

四庫全書

集部

欽定四庫全書

李太白集分類補註卷九

宋 楊齊賢 集註

元 蕭士贊 補註

贈

贈孟浩然

襄陽

吾愛孟夫子風流天下聞
紅顏棄軒冕白首卧松雲
醉月頻中聖迷花不事君
高山安可仰徒此揖清芬

齊賢曰唐

書孟浩然襄州人隱鹿門山四十年乃遊京師張九齡
王維雅稱道之維私召入內署俄而元宗至浩然匿舍
下維以實對帝曰朕聞其人而未見也詔浩然出帝問
其詩浩然再拜自誦其詩至不才明主棄帝曰卿不求
見朕未嘗棄卿今何誣我因放還

贈從兄襄陽少府皓

結髮未識事所交盡豪雄却秦不受賞擊晉寧為功

賢齊

曰漢書李廣結髮與匈奴戰史秦白起破趙長平軍遂
圍邯鄲魏使辛垣衍入邯鄲欲尊秦為帝時魯仲連游
趙見垣衍言帝秦之害垣衍乃不敢言秦聞之為却五
十里平原君欲封仲連仲連不受擊晉是用侯嬴進朱
亥於魏公子無忌用鐵椎擊殺晉鄙矯奪魏軍將以却
秦救趙侯嬴自刎復有客說公子不以為功詳見三卷

註少節豈足言退耕春陵東歸來無產業生事如轉蓬

一朝烏裘敝百鎰黃金空彈劍徒激昂出門悲路窮

齊賢

曰春陵在今道州漢高祖不事家人生產作業戰國策蘇秦說秦書十上不從黑貂之裘敝黃金百斤盡乃擔橐而歸國語註一鎰二十四兩史記馮驩彈鋏而歌晉書阮籍時率意獨駕不由徑路車跡所窮輒慟哭而反
吾兄青雲士然諾聞諸公所以陳片言片言貴情通棣
華儻不接甘與秋草同

淮海對雪贈傅靄

一作淮南對雪贈孟浩然

朔雪落吳天從風渡溟渤梅樹成陽春江沙浩明月興

從剡溪起思繞梁園發寄君郢中歌曲罷心斷絕

齊賢曰世

說晉王徽之居山陰夜雪初霽月色清明四望皎然忽憶戴逵逵時在剡便夜乘小船詣之經宿方至造門不見而反人問其故曰本乘興而來興盡而反何必見安道耶雪賦歲將暮時旣昏寒風積愁雲繁梁王不悅遊于兔園俄而微霰零密雪下王乃歌北風於衛詩詠南山於周雅授簡於司馬大夫曰抽子秘思為寡人賦之又曰君寧見階上之白雪豈鮮耀於陽春宋玉對楚王問曰客有歌於郢中者其為陽春白雪和者不過數人

贈徐安宜

白田見楚老歌詠徐安宜製錦不擇地操刀良在茲清風動百里惠化聞京師浮人若雲歸耕種滿郊岐川光

淨麥隴日色明桑枝

齊賢曰公羊曰京大也師衆也天子之居必以衆大之辭言之浮人

流人

訟息但長嘯賓來或解頤青橙拂戶牖白水流園

池遊子滯安邑懷恩未忍辭翳君獨桃李歲晚托深期

齊賢曰漢志安

邑隸河南郡

贈任城盧主簿

海鳥知天風竄身魯門東臨觴不能飲矯翼思凌空鐘

鼓不為樂煙霜誰與同歸飛未忍去流淚謝鴛鴻

齊賢曰魯

語海鳥曰爰居止于魯東門展禽曰今茲海有災乎夫廣川鳥獸常知避其災也是歲海多大風莊子云昔者海

鳥止於魯郊魯侯御而觴之于廟奏九韶以為樂具太牢以為膳鳥乃眩視憂悲不敢食一嚙不敢飲一杯

早秋贈裴十七仲堪

遠海動風色吹愁落天涯南星變大火熱氣餘丹霞光

景不可迴六龍轉天車荆人泣美玉魯叟悲匏瓜功業

若夢裏撫琴發長嗟

齊賢曰大火心星卞和抱玉璞泣於荆山士贇曰南星即角亢氏房

心尾之星史律書南至於亢南至於房南至於心南至於尾晉天文志自氏至尾為大火此言夏而秋也裴

生信英邁屈

其勿切

起多才華歷抵海岱豪結交魯朱家

復攜兩少妾艷色驚荷葩雙歌入青雲但惜白日斜

齊賢

曰禹貢海岱及淮為徐州漢書朱家魯人魯皆以儒教而朱家用俠聞所藏活豪士以百數關以東莫不延頸願交士贊曰師古曰屈起特起也窮溟出寶貝大澤饒龍蛇明主儻見

收煙霄路非賒時命若不會歸應鍊丹砂

贈范金卿二首

君子枉青盼不知東走迷離家未幾月絡緯鳴中閨桃

李君不言攀花願成蹊那能吐芳信惠好相招攜

王贊曰目

下為青盼動目貌

我有結綠珍久藏濁水泥時人棄此物乃與

燕石齊撫拭欲贈之申眉路無梯遼東慙白豕楚客羞

山雞

齊賢曰戰國策應侯謂秦王曰梁有懸黎宋有結

綠闕子曰宋之愚人得燕石於梧臺之側藏之以

為大寶周客聞而觀之主人齋七日端冕玄服以發寶

革圓十重巾十襲客見俛而掩口盧胡而笑曰此特燕

石也其與瓦甃不殊主人怒曰商賈之言醫匠之心藏

之愈固守之彌堅士贊曰漢書司馬遷傳廼欲仰首信

庸論列是非朱浮與彭寵書曰往時遼東有豕生子白

頭異而獻之行至河東群豕皆白慙而還尹文子曰楚

人握山雉欺路人曰鳳凰路人曰我聞鳳凰今始見矣

請買千金弗與請加倍乃與之方欲獻楚王經宿死不

遑惜其金惟恨不得獻王王聞感

徒有獻芹心中流泣

之召厚賜之過買鳥之金十倍

玉帝祇應自索漢留古示山妻

其二

范宰不買名絃歌對前楹為邦默自化日覺冰壺清百
里雞犬靜千廬機杼鳴浮人少蕩析愛客多逢迎遊子
覩嘉政因之聽頌聲

贈瑕丘王少府

皎皎鸞鳳姿飄飄神仙氣梅生亦何事來作南昌尉清

風佐鳴琴寂寞道為貴

齊賢曰唐兗州魯郡治瑕丘縣漢梅福為南昌尉棄官去至元

始中一朝棄妻子去九江至今傳以為仙一見過所聞操持難與羣毫揮魯

邑訟目送瀛洲雲我隱屠釣下爾當玉石分無由接高

論空此仰清芬

東魯見狄博通

去年別我向何處有人傳道遊江東
謂言掛席度滄海却來應是無長風

見京兆韋參軍量移東陽二首

吳中

潮水還歸海流人却到吳相逢問愁苦淚盡日南珠

齊賢

曰東陽婺州吳地日南郡產珠

其二

聞說金華渡東連五百灘全勝若耶好莫道此行難猿

嘯千谿合松風五月寒他年一攜手搖艇入新安

齊賢曰若

耶溪新安
見前卷註

贈丹陽橫山周處士惟長

周子橫山隱開門臨城隅連峰入戶牖勝槩凌方壺時
枉白紵詞放歌丹陽湖水色傲溟渤川光秀菰蒲當其
得意時心與天壤俱聞雲隨卷舒安識身有無抱石恥
獻玉深泉笑深珠羽化如可作相攜上清都

齊賢曰唐
志宣州廣

德縣有橫山列子渤海之東五山三曰方壺丹陽湖隸
當塗縣士贇曰列子范氏有子曰子華善養私名舉國
服之未生子伯范氏之上客出行宿於田叟商丘開之
舍相與言子華之名勢能使存者亡亡者存富者貧貧
者富商丘開先窘於飢寒潛聽之因假糧荷傘之子華
之門子華之門徒皆世俗顧見商丘開年老狎侮欺紿
亡所不為因指河曲之隅曰彼中有寶珠泳可得也商
丘開從而泳之既出果得珠焉衆疑之俄而范氏之藏
大火子華曰若能入火取錦者從所得多少賞若商丘
開往無難色入火往還埃不侵身不焦范氏之黨以為
有道乃共謝之商丘開曰吾亡道雖吾之心亦不知所
以曩子二客之宿吾舍也聞一言范氏之勢吾誠之無
二心故不遠而來及來以子黨之言皆實也惟恐誠之
之不至行之之不及不知形體之所借利害之所存也
心一而已物無遷者如斯而已今乃知子黨之誕我追
昔日之不焦溺也怛然而熱惕然震悸矣水火豈可復

近哉自是之後范氏門徒
遇乞兒馬醫不敢辱也

玉真公主別館苦雨贈衛尉張卿二首

秋坐金張館繁陰晝不開
空煙迷雨色蕭颯望中來
翳翳昏墊苦沉沉憂恨催
清秋何以慰白酒盈吾杯
吟詠思管樂此人已成灰
獨酌聊自勉誰貴經綸才
彈劍謝

公子無魚良可哀

齊賢曰易雲雷屯君子以經綸史馮驩聞孟嘗君好客躡屣而見之置舍

十日問傳舍長曰客何所為答曰馮先生甚貧猶有一劍彈其缺而歌曰長缺歸來乎食無魚遷之幸舍食有矣

其二

苦雨思白日浮雲何由卷稷卨和天人陰陽乃驕蹇秋霖劇倒井昏霧橫絕巘欲往咫尺塗遂成山川限淥淥

音叢

奔溜聞浩浩驚波轉泥沙塞中途牛馬不可辨飢從

漂母食聞綴羽陵簡園家逢秋蔬藜藿不滿眼蠨蛸結

思幽蟋蟀傷徧淺厨竈無青煙刀机生綠蘚

齊賢曰稷卨舜臣書

三公燮理陰陽意以識當時執政者漢書韓信從漂母食蠨蛸名長跖小如蜘蛛長脚者俗呼為喜子蟋蟀郭璞註促織也亦名蜻蛚士贇曰唐書五行志天寶中霧昏暗十步外不見人是謂晝昏詩東山二章云蠨蛸在

戶小序曰二章言其思也故曰結思幽詩唐國風蟋蟀
刺晉僖公也儉不中禮故作是詩以閔憂欲其及時以
禮自娛樂也此晉也而謂之唐本其風俗憂深思遠
儉而用禮乃有堯之遺風焉綠蘚苔也

投筋解

鸛鷀換酒醉北堂丹徒布衣者慷慨未可量何時黃金

盤一斛薦檳榔功成拂衣去搖曳滄洲傍

齊賢曰唐潤州丹陽郡治

丹陽縣南史劉穆之由居京口帝西討劉毅以諸葛長
人監留府留穆之輔之長人果有異謀穆之厚為之備
謂所親曰貧賤常思富貴富貴必踐危機今日思為丹
徒布衣不可得也穆之少時家貧往妻兄家乞食每食
畢求檳榔江氏兄弟戲之曰檳榔消食君乃常飢何忽
須此及為丹陽尹召妻兄弟令厨人以金盤貯檳榔一
斛以進之

贈韋秘書子春二首

谷口鄭子真躬耕在巖石高名動京師天下皆籍籍斯

人竟不起雲卧從所適苟無濟代心獨善亦何益

齊賢曰楊

子谷口鄭子真耕於巖石之下名震京師惟君家世者偃息逢休明談天信

浩蕩說劍紛縱橫謝公不徒然起來為蒼生秘書何寂

寂無乃羈豪英且復歸碧山安能戀金闕舊宅樵漁地

蓬蒿已應沒却顧女几峰胡顏見雲月

齊賢曰九域志女几山在河南

府福昌縣本宜陽縣有女几山士贊曰史荀卿傳騶行之術迂大而閎辯故齊人頌曰談天

其二

徒為風塵苦一官已白鬚氣同萬里合訪我來瓊都披

雲覩青天捫蝨話良圖留侯將綺里出處未云殊終與

安社稷功成去五湖

齊賢曰留侯綺里季事見四卷范蠡佐勾踐滅吳及至五湖辭曰臣

不復至越國矣乃裝其輕貨珠玉與私徒屬乘舟浮於五湖士贇曰晉書載記王猛字景略隱于華山懷佐世之志桓溫入關猛被褐而詣而談當世之事捫蝨而言旁若無人

贈章侍御黃裳二首

太華生長松亭亭凌霜雪天與百尺高豈為微颺折桃

李賣陽豔路人行且迷春光掃地盡碧葉成黃泥願君
學長松慎勿作桃李受屈不改心然後知君子

齊賢曰
華州華

山一名
太華

其二

見君乘驄去知上太山道此地果摧輪全身以為寶我
如豐年玉棄置秋田草但勗冰壺心無為嘆衰老

贈薛校書

我有吳越曲無人知此音姑蘇成蔓草麋鹿空悲吟未

誇觀濤作空鬱釣鼇心舉手謝東海虛行歸故林

士贊曰吳

越春秋伍子胥曰臣必見越之破吳
豕鹿遊於姑蘇之臺荆榛蔓於宮闕

贈何七判官昌浩

有時忽惆悵匡坐至夜分平明空嘯咤思欲解世紛心

隨長風去吹散萬里雲羞作濟南生九十誦古文

齊賢曰漢

書伏生濟南人名勝故為秦博士孝文時求能治尚書者天下亡有聞伏生治之欲召時伏生九十餘老不能行於是詔太常掌故晁錯往受之士贊曰孔安國尚書序濟南伏生年過九十失其本經口以傳授裁二十餘篇以其上古之書謂之尚書至魯共王好治宮室壞孔子舊宅以廣其居於壁中得先人所藏古文虞夏商周

欽定四庫全書

卷九

之書以所聞伏生之書考論文義定其可知者為隸古文更以竹簡寫之不然拂劒起沙漠

收奇勲老死阡陌間何因揚清芬夫子今管樂英才冠

三軍終與同出處豈將沮溺群

齊賢曰沮溺者長沮桀溺也乃二隱士

讀諸葛武侯傳懷贈長安崔少府叔封昆季

漢道昔云李群雄方戰爭霸圖各未立割據資豪英赤

伏起顏運卧龍得孔明當其南陽時隴畝躬自耕魚水

三顧合風雲四海生武侯立岷蜀壯志吞咸京何人先

見許但有崔州平

齊賢曰羣雄比袁紹呂布袁術曹操公孫瓚諸人東漢光武紀疆華自關

中奉赤伏符曰劉秀發兵捕不道四方雲集龍鬬野四
七之際火為主蜀志徐庶見先主曰諸葛孔明卧龍人
也將軍豈願見之乎先主曰君與俱來庶曰此人可就
見不可屈致也將軍宜枉駕顧之先主遂詣亮凡三往
乃見本傳曰亮躬耕隴畝好為梁父吟又曰先主於是
與亮情好日密曰孤之有孔明猶魚之有水也又曰亮
之志進欲龍驤虎視包括四海武侯出師五丈原屯田
為久駐之基志吞咸陽也亮每自比於管仲樂毅時人
莫之許也惟崔州平徐元直與亮友善謂為信然余亦草間人頗懷拯物情晚

途值子玉華髮同衰榮託意在經濟結交為弟兄母令

管與鮑十載獨知名

士贊曰管鮑事見三卷

贈郭將軍

將軍少年出武威入掌銀臺護紫微平明拂劒朝天去

薄暮垂鞭醉酒歸愛子臨風吹玉笛美人向月舞羅衣

疇昔雄豪如夢裏相逢且欲醉春暉

齊賢曰九域志涼州武威郡唐有銀

臺門辛氏三秦記未央宮一名紫微宮

駕去溫泉後贈楊山人

少年落魄楚漢間風塵蕭瑟多苦顏自言管葛竟誰許

長吁莫錯還閉關

齊賢曰史記酈食其家貧落魄楚漢間乃興元以東彭城以西管葛者管

仲諸葛亮也阮逸曰閉關喻藏身也

一朝君王垂拂拭剖心輸丹雪曾臆

忽蒙白日回景光直上青雲生羽翼幸陪鸞輦出鴻都
身騎飛龍天馬駒王公大人惜顏色金璋紫綬來相趨
齊賢曰禮書荀卿曰輦輿就馬則輦在車駕在馬也鴻都門名也唐禁中有飛龍廐西域傳大宛國嶠山上有馬不可得因取五色牝馬置其下與集生駒號天馬子當時結交何紛紛片言道
合惟有君待吾盡節報明王然後相攜卧白雲

溫泉侍從歸逢故人

齊賢曰唐志京兆府昭應縣本新豐有宮在驪山下

真觀十八年置咸亨二年始名溫泉宮天寶元年更溫泉曰華清宮治陽井為地環山列宮室築羅城置百司及十宅七載省新豐更會昌及泉曰昭應

漢帝長楊苑誇胡羽獵歸子雲叨侍從獻賦有光輝激

賞搖天筆承恩賜御衣逢君奏明主他日共翻飛

齊賢曰白

為宮調明皇賜以宮錦袍前四句事見一卷註

贈裴小四

朝見裴叔則朗如行玉山黃河落天走東海萬里寫入
曾懷間身騎白黿不敢度金高南山買君顧徘徊六合

無相知飄若浮雲且西去

齊賢曰晉裴楷字叔則風儀高邁時人謂之玉人又稱見

裴叔則如近玉山照映人也黃河出崑崙山在吐蕃中極西為最高流入中國勢猶從天而落也禹貢同為逆

河入于海列女傳鄭子瞽者楚成王夫人初成王登臺子瞽不顧王曰顧吾與女千金子瞽行不顧

贈崔侍郎

黃河二尺鯉本在孟津居點額不成龍歸來伴凡魚

賢齊

曰孟津地名在洛北都道古今以為津三秦記龍門山在河東界禹鑿山斷如門一里餘黃河自中流下兩岸不通車馬每暮春有黃黑鯉魚自海及諸川爭來赴之上得者便化為龍士贊曰爾雅曰鱸鮪也出鞏穴三月則上渡龍門得渡為龍否則點額而還魏土地記曰梁山北有龍門山大禹所鑿通孟津河口廣八十步巖隙鑄跡遺故人東海客一見借吹噓風濤儻相見更欲凌功尚存

崑墟

士贊曰山海經曰崑崙墟在西北河水出其東北隅

述德兼陳情上哥舒大夫

人為國家孕英才森森矛戟擁靈臺浩蕩深謀嗔江海
縱橫逸氣走風雷丈夫立身有如此一呼三軍皆披靡

衛青謾作大將軍白起真成一豎子

齊賢曰莊子曰不可內於靈臺郭象

註靈臺者心也後漢鮑期瞋目大呼衆皆披靡士贇曰衛青平陽人也以衛皇后親為大中大夫後擊匈奴有功拜大將軍白起郿人也善用兵事秦昭王後遷為武安君以伐趙不肯行賜劍自殺

雪讒詩贈友人

嗟予沈迷猖獗已久五十知非古人嘗有立言補過庶

存不朽包荒匿瑕蓄此煩醜月出致譏貽愧皓首

齊賢曰莊

子遠伯玉行年六十而六十化未嘗不始於是之而訕之以非也未知今之所謂是非五十九非也感悟

遂晚事往日遷白璧何辜青蠅屢前群輕折軸下沈黃

泉衆毛飛骨上凌青天萋斐暗成貝錦粲然泥沙聚埃

珠玉不憐洪燄爍山發自纖煙蒼波蕩日起于微涓交

亂四國播于八埏拾塵掇蜂疑聖猜賢哀哉悲夫誰察

予之貞堅

齊賢曰詩曰萋兮斐兮成是貝錦彼譖人者亦已大甚張儀傳曰積羽沈舟群輕折軸衆

口鑠金積毀銷骨丁鴻曰壞崖破巖之水原自涓涓干雲蔽日之木起於蔥青士贇曰孟康曰埏地戶八際也

欽定四庫全書

李太白集分類補註

十四

孔子家語孔子厄於陳蔡從者七日不食子貢以所齋
貨竊犯園而出告糴於野人得米一石焉顏回仲由炊
之於壞屋之下有埃墨墮甑中顏回取而食之子貢自
井望見之不悅以為竊食也入問孔子曰仁人廉士窮
改節乎孔子曰改節即可稱於仁廉哉子貢曰若回也
其不改節乎子曰然子貢以所飯告孔子子曰吾信回
之為仁久矣雖汝有云弗以疑也其或者必有故乎汝
止吾將問之召顏回曰疇昔予夢見先人豈或啓佑我
哉子炊而進飯吾將進焉對曰向有埃墨墮飯中欲置
之則不潔欲棄之則可惜回即食之不可祭也孔子曰
然乎吾亦食之顏回出孔子顧謂二三子曰吾之信回
也非特今日也二三子由此乃服之列女傳尹吉甫前
妻子伯奇後妻子伯封伯奇事後母至孝後母欲其子
伯封為太子言於吉甫曰伯奇好妾若不信試上臺觀
之後母取蜂除其毒而置於衣領之中使伯奇視而殺
之吉甫使讓伯奇使者見其袖有死蜂以白吉甫使追

之已投彼人之猖狂不如鵲之疆疆彼婦人之淫昏不

于河矣如鵲之奔奔坦蕩君子無悅簧言擢髮續罪罪乃孔多

傾海流惡惡無以過人生實難逢此織羅積毀銷金沉

憂作歌天未喪文其如余何

齊賢曰詩巧言如簧范雎謂須賈曰汝罪有幾曰擢

賈之髮以續賈之罪尚未足孔子曰天之未喪斯文也匡人其如予何士贇曰詩鵲之奔奔刺衛宣姜也衛人以為宣姜鵲姐已滅紂褒女惑周天維蕩覆職此之由

漢祖呂氏食其在傍秦皇成后每亦淫荒螭螭作昏遂

掩太陽萬乘尚爾匹夫何傷

齊賢曰外紀云紂伐有蘇有蘇氏以姐已女焉姐已

欽定四庫全書

李太白集分韻補註

十五

有寵其言是從武王伐紂殺妲己周紀幽王嬖愛褒姒褒姒生子伯服幽王欲廢申侯女為后并去太子宜臼以褒姒為后以伯服為太子申侯怒結西夷犬戎攻幽王幽王舉烽火徵兵兵莫至遂殺幽王驪山下虜褒姒盡取周縣而去漢呂后徙陳平為右丞相審食其為左丞相食其幸於太后史呂不韋傳秦王年少太后時帝竊私通呂不韋始皇帝益壯太后淫不止辭殫意窮心切理直如或妄談昊

天是殛子野善聽離婁至明神靡遁響鬼無逃形不我

遐棄庶昭忠誠

士贊曰子野師曠字晉樂太師也

贈參寥子

白鶴飛天書南荆訪高士五雲在峴山果得參寥子

齊賢

曰列仙傳桓闓事華陽陶先生十餘年一旦有二青童
白鶴自空而下陶先生臨軒接之青童曰太上命求桓
先生耳於是桓服天衣駕白鶴升翮音抗辭音辭故園昂
天而去九域志襄陽有荆山峴山

藏入君門天子分玉帛百官接話言

士贊曰南史高昂字敖曹其父以其

昂藏敖曹故以字名之

毫墨時灑落探玄有奇作著論窮天人千

春秘麟閣長揖不受官拂衣歸林巒余亦去金馬藤蘿

同所攀相思在何處桂樹青雲端

士贊曰按李白本傳曰白懇求還山帝賜

金放還作是詩必此時也

贈饒陽張司戶燧

齊賢曰唐深州饒陽郡治饒陽縣

朝飲蒼梧泉夕棲碧海煙寧知鸞鳳意遠託椅桐前慕

蘭豈曩古攀嵇是當年愧此黃石老安識子房賢

齊賢曰漢

書司馬相如字長卿少時名犬子慕蘭相如之為人更
名相如頗延年詩攀嵇亦鳳舉謂嵇康也漢張良字子
房游下邳圯上有一老父至良所墮其履圯下顧良取
履良下取履因跪進父以足受之曰孺子可教矣與良
期乃出一編書曰讀是則為王者師後十年與十三年
見我濟北穀城山下黃石即我也遂去不見日視其書
乃太公兵法後從高帝過濟北
果得穀城山下黃石葆祠之功業嗟落日容華棄徂

川一語已道意三山期着鞭蹉跎人間世寥落壺中天

獨見遊物祖探元窮化先何當共攜手相與排冥筌

齊賢

曰後漢費長房傳汝南市中有一老翁賣藥懸一壺及市罷跳入壺中長房於樓上見之因往再拜奉酒脯翁乃與俱入壺中見玉堂嚴麗

贈清漳明府姪聿

齊賢曰唐相州臨漳縣具州漳南縣孔安國註漳水橫流

入河蓋河水濁漳水清故曰清漳

我李百萬葉柯條布中州天開青雲器日為蒼生憂小

邑且割雞大刀佇烹牛雷聲動四境惠與清漳流

齊賢曰論

語子之武城聞絃歌之聲夫子莞爾而笑曰割雞焉用牛刀地理志清漳水出上黨大龜谷東北至陽海阜城入河阜城唐隸冀州武邑縣北三十里有衡漳石堤衡水縣引漳水北流貫城注隍士贊曰史老子傳老子者

姓李氏名耳字伯陽謚曰聃正義曰玄妙內篇云李母懷胎八十一載迢遙李樹下乃剖左腋而生生而指李樹因以為姓唐祖老子白與聃皆帝室之曾故用李樹之事葉世也柯條猶枝分派別之義

絃歌詠

唐堯脫落隱簪組心和得天真風俗猶太古牛羊散阡

陌夜寢不扃戶問此何以然賢人宰吾土

齊賢曰冀州有堯壇堯臺

淮南子所謂天者純粹樸素實直皓白未始有雜揉者斯其真也士贇曰絃歌詠唐堯者即康衢童謠曰立我烝民莫匪爾極不識不知順帝之則及老人擊壤於路曰日出而作日入而息鑿井而飲耕田而食帝力於我何有哉之意簪組者只是傳換簪纓二字釋曰緩屬小者為冕纓脫落隱簪組者隱於簪纓之間猶東方朔所言避世於朝廷者禮記郊

舉邑樹桃李垂陰亦流芬河

特牲註唐虞以上曰太古

堤繞綠水桑柘違青雲趙女不冶容提籠畫成群綠絲

鳴機杼百里聲相聞

齊賢曰劉向說苑趙簡子謂陽虎曰樹桃李者夏得休息秋得其實

焉河堤黃河之堤
綠水清漳之水

訟息鳥下階高卧披道帙蒲鞭掛簷

枝示恥無撲扶琴清月當戶人寂風入室長嘯無一言

陶然上皇逸

齊賢曰高子曰禹治天下朝廷之間可以羅雀後漢劉寬為南陽太守吏人有過但

蒲鞭罰之示辱而已撲扶笞擊也

白玉壺冰水壺中見底清清光洞毫

髮皎潔照羣情趙北美嘉政燕南播高名過客覽行謠

因之誦德聲

齊賢曰姚崇冰壺賦曰冰壺者清潔之至也君子對之不忘乎清北齊宋士良為清

河太守盜賊屏跡郡無一囚公門虛寂無復訟者人謂之神門及代至老人丁金剛送之泣曰老人年九十記三十五政府君非惟善政清亦徹底

贈臨洛縣令皓弟

時被訟停官

陶令去彭澤茫然太古心大音自成曲但奏無絃琴釣

水路非遠連鰲意何深終期龍伯國與爾相招尋

齊賢曰九

域志治州臨治縣陶潛為彭澤令郡遣督郵至縣吏白應束帶見之潛嘆曰吾不能為五斗米折腰恭奉事鄉里小人即解印去縣賦歸去來辭潛性不解音而蓄素琴一張微絃不具每撫而和之曰但識琴中趣何勞絃上聲老子大音希聲列子龍伯之國有大人舉足不盈數步而暨五山之所一釣而連六鰲

贈郭李鷹

河東郭有道於世若浮雲盛德無我位清光獨映君恥

將難並食長與鳳為羣一擊九千仞相期凌紫氛

齊賢曰漢

書郭林宗司徒黃瓊太常趙典舉有道並不應或問汝南范滂曰郭林宗何如人滂曰隱不違親真不絕俗天子不得臣諸侯不得友吾不知其他及卒同志者乃共刻石立碑蔡邕為其文既而謂涿郡盧植曰吾為碑銘多矣皆有慙德惟郭有道無愧色耳

論語不義而富且貴於我如浮雲

鄴中王大勸入高鳳石門山幽居

齊賢曰高鳳南陽葉人後

教授於西唐山中在

唐州湖陽縣西北

一身竟無託遠與孤蓬征千里失所依復將落葉并中途偶良朋問我將何行欲獻濟時策此心誰見明君王制六合海塞無交兵壯士伏草間沉憂亂縱橫飄飄不得意昨發南都城紫鸞櫪上嘶青萍匣中鳴投軀寄天

下長嘯尋豪英恥學瑯琊人龍蟠事躬耕

齊賢曰南陽郡治宛在京

之南故曰南都文帝自代來有良馬九疋一曰紫燕青萍劍名也諸葛亮瑯琊人躬耕隴畝司馬德操以為伏龍徐庶以富貴吾自取建功及春榮我願執爾手爾方

為卧龍

達我情相知同一已豈惟弟與兄抱子弄白雲琴歌發

清聲臨別意難盡各希存令名

士贇曰按此詩其作於祿山將反之際乎當祿

山欲反之時朝廷上下皆知其狀獨明皇不然之太白亦欲言而不敢聊因詩以發舒其憂國之情乎太白平生任俠亦有志斯世者於此詩際可想見矣

贈華州王司士

淮水不絕濤瀾高盛德未泯生英髦知君先負廟堂器

今日還須贈寶刀

齊賢曰王泯傳王導初渡淮使郭璞筮之卦成曰吉无不利淮水絕王氏

滅桓冲曰謝安乃有廟堂之量不開將畧晉中興書曰魏徐州刺史呂虔有佩刀工相者曰為三公可服此刀虔乃贈別駕王祥曰苟非其人刀或為害卿有公輔之良故相與也

贈盧徵君昆弟

士贇曰按盧徵君名鴻字顯然唐書有傳云其先范陽人博學

善書籀盧嵩山玄宗開元初備禮徵再不至五年再詔徵至東都謁見拜諫議大夫固辭制許

還山賜引居服宮營草堂及卒帝

賜萬錢鴻所居室自號寧極云

明主訪賢逸雲泉今已空二盧竟不起萬乘高其風河

上喜相得壺中趣每同滄洲即此地觀化游無窮水落

海上清鰲背覩方蓬與君弄倒景攜手凌星虹

齊賢曰壺中事

見前列子巨鰲十五以首載五山如峙而不動陵陽子明經曰倒景之氣去地四千里其景皆倒在下也士贇曰列仙傳河上公莫知其姓名也漢文帝時結草為庵于河之濱常讀老子道德經時文帝好老子之道駕幸

詣之河上公即授秦書老子道德經章句二卷帝拜受
畢失公所在時人因號河上公如淳曰在日月之上反
從下照故
其景倒

贈新平少年

韓信在淮陰少年相欺凌屈體若無骨壯心有所憑一
遭龍顏君嘯咤從此興千金答漂母萬古共嗟稱而我
竟何為寒苦坐相仍長風入短袂兩手如懷冰故友不
相恤新交寧見矜摧殘檻中虎羈紲韝上鷹何時騰風
雲搏擊中所能

齊賢曰韓信微時事見三卷註漢高祖
隆準龍顏說文韝臂衣也漢書韝形如

講以縛左右
手於事便也

贈崔侍郎

長劒一杯酒男兒方寸心洛陽因劇孟託宿話曾襟但

仰山嶽秀不知江海深長安復攜手再顧重千金

齊賢曰劇

孟事見三卷註列女傳楚成王登臺夫人鄭子啓不顧顧曰顧吾與女千金

君乃軒轅佐予

叨翰墨林高風摧秀木虛彈落驚禽不取回舟興而來

命駕尋扶搖應借力桃李願成陰笑吐張儀舌愁為莊

舄吟誰憐明月夜腸斷聽秋砧

齊賢曰史陳軫傳陳軫適至秦惠王曰子去寡

人之楚亦思寡人不陳軫對曰王聞夫越人莊舄乎王曰不聞曰越人莊舄仕楚執珪有頃而病楚王曰舄故越之鄙細人也今仕楚執珪貴富矣亦思越不中謝對曰凡人之思故在其病也彼思越則越聲不思越則楚聲使人往聽猶尚越聲也今臣雖棄逐之楚豈能無秦聲哉

走筆贈獨孤駙馬

都尉朝天躍馬歸香風吹人花亂飛銀鞍紫鞵照雲日

左顧右盼生光輝

齊賢曰漢駙馬都尉掌駙馬說文駙近也

是時僕在金門

裏待詔公車謁天子長揖蒙垂國士恩壯心剖出酬知

已

士贊曰此太白敘述已事見本傳及詩叙

一別蹉跎朝市間青雲之交不

可攀儻其公子重回顧何必侯嬴長抱關

士贊曰魏公子無忌聞侯

嬴賢往迎之嬴謝曰嬴乃夷門抱關者也

贈嵩山焦鍊師

并序

嵩山有神人鍊師者不知何許婦人也又云生於
齊梁時其年貌可稱五六十常胎息絕穀居少室
廬游行若飛倏忽萬里世或傳其入東海登蓬萊
竟莫能測其往也余訪道少室盡登三十六峯聞
風有寄灑翰遙贈

二室凌青天三花含紫煙中有蓬海客宛疑麻姑仙

齊賢

曰太室少室二山隸河南府鹿革事類云漢世有道士自外國將貝多子於嵩山下種之一年三花白色香美

道在喧莫染跡高想已綿時粲金鵝蕊屢讀古苔篇八

極恣遊憇九垓長周旋下瓢酌潁水舞鶴來伊川還歸

東山上獨拂秋霞眠蘿月掛朝鏡松風鳴夜絃

齊賢曰登封縣

東南一百三十里有潁縣鎮舊潁陽縣鮑明遠有舞鶴賦伊陽縣在西北南一百六十里有伊闕鎮士傳許由

隱箕山以手捧水飲之人遺一瓢得以取飲訖掛於樹上潛光隱嵩嶽鍊魄栖雲

幄霓裳何飄颻鳳吹轉綿邈

士贊曰紫文靈書修行二十四書有制七魄之法以

欽定四庫全書

卷九

七魄流落遊走穢濁或交通血食往來鬼魅或共死尸
相關或言人之罪欲人之敗皆魄之疾也其法每晦朔
弦望及庚申日存鼻端有白炁漸大以冠身九重又變
作四靈之獸匝繞一身呼呪如法則七鬼制鍊矣王逸
楚詞註綿綿細微之意又曰邈遠也願同西王母下顧東方朔紫書儻可

傳銘骨誓相學

士贇曰漢武內傳元封元年七月七日
武帝聞居東方朔在側忽西王母至授

帝以瓊笈
紫書之文

口號贈徵君鴻

此公時被召士贇曰
見前贈盧徵君題注

陶令辭彭澤梁鴻入會稽我尋高士傳君與古人齊雲

卧留丹壑天書降紫泥不知楊伯起旦晚向關西

齊賢
曰漢

詔書皆封以武都紫泥東漢楊震字伯起弘農華陰人少好學受歐陽尚書於桓郁明經博覽無不窮究諸儒為之語曰關西孔子楊伯起常客居於湖不荅州郡禮命數下而震志愈篤

上李邕

大鵬一日同風起扶搖直上九萬里假令風歇時下來猶能簸却滄溟水時人見我指殊調聞余大言皆冷笑

宣父猶能畏後生丈夫未可輕年少

齊賢曰孔子曰後生可畏士贇曰此

篇似非太白之作今蘆在卷末

贈張公洲革處士

列子居鄭圃不將衆庶分華侯遁南浦常恐楚人聞抱
甕灌秋蔬心閒遊天雲每將瓜田叟耕種漢水濱時登
張公洲入獸不亂郡井無桔槔事門絕刺繡文長揖二

千石遠辭百里君斯為真隱者吾黨慕清芬

齊賢曰張公洲在上

元縣列子名禦寇居鄭圃四十年無識者國君卿大夫視之猶衆庶也別賦送君南浦傷如之何南浦楚地莊
子子貢過淮陰見一丈人為圃畦鑿隧而入井抱甕而
出灌用力甚多而見功寡子貢曰有械於此用力甚寡
而見功多一日浸百畦夫子不欲乎仰而視之曰奈何
曰鑿木為機後重前輕挈水若抽數如決湯其名曰槔
為圃者忿然作色而笑曰吾聞之吾師有機械者必有
機事有機事者必有機心機心存於胃中則純白不備

純白不備則神生不定神生不定者道之所不載也吾
非不知羞而不為也機水器俗名水車又曰孔子逃於
大澤入獸不亂
舞入鳥不亂行

李太白集分類補註卷九

欽定四庫全書

李太白集分類補註卷十

宋 楊齊賢 集註

元 蕭士贊 補註

贈

秋日鍊藥院鑷白髮贈元六兄林宗

木落識歲秋瓶冰知天寒桂枝日已綠拂雪凌雲端弱

齡接光景矯翼攀鴻鸞

齊賢曰淮南子葉落而知天下之秋見瓶凍而知天下之寒

投分三十載榮枯同所歡長吁望青雲鑷白坐相看秋

顏入曉鏡壯髮凋危冠

齊賢曰李善曰分猶志也南史
麟林王五歲戲高帝傍帝令左

右鑷白髮問王戎誰耶曰太翁帝笑
曰豈有為人作曾祖而鑷白髮者乎

窮與鮑生賈飢從

漂母飡時來極天人道在豈吟嘆

士贇曰管仲與鮑叔
賈分財漂母飯韓信

二事詳並
見三卷註

樂毅豈適趙蘇秦初說韓卷舒固在我何事

空摧殘

齊賢曰樂毅并護趙楚魏燕之兵以伐齊破之
下齊七十餘城獨莒即墨未服會昭王死子立

為燕惠王王自為太子時嘗不快於樂毅齊田單聞之
縱反間於是惠王使騎劫代將而召樂毅毅畏誅西降
趙趙封毅於觀津號望諸君蘇秦說燕文侯文侯資秦
車馬金帛以至趙說趙肅侯肅侯乃飾車百乘黃金千

鎡白壁百雙錦繡千純以約諸侯於是說韓宣惠王曰
鄙諺曰寧為雞口無為牛後今西面交臂而臣事秦何
異於牛後韓主攘臂瞋目按劍仰天太息曰
寡人雖不肖必不能事秦敬奉社稷以從

書情贈蔡舍人雄

嘗高謝太傅携妓東山門楚舞醉碧雲吳歌斷清猿暫

因蒼生起談笑安黎元余亦愛此人丹霄冀飛翻

齊賢曰

堅百萬入冠安石用謝玄謝石等拒之符堅大敗於淝水因以亡國此談笑安黎元也

遭逢聖明

主敢進興亡言白壁竟何辜青蠅遂成冤一朝去京國

十載客梁園猛犬吠九關殺人貴精龜

齊賢曰青蠅刺譏也

皇穹

雪冤枉白日開昏氛太階得夢龍桃李滿中原倒海索

明月凌山採芳蓀愧無橫草功虛負雨露恩跡謝雲臺

關心隨天馬鞍

士贇曰楚詞注曰蓀香草也漢終軍曰軍無橫草之功後漢顯宗追感前世功

臣乃圖畫二十八將於南宮雲臺士贇曰張洸曰明月寶珠也

夫子王佐才而今復誰

論層飈振六翮不日思騰騫我縱五湖棹煙濤恣崩奔

夢釣子陵湍英風緬猶存彼希客星隱弱植不足援千

里一回首萬里一長歌黃鶴不復來清風愁柰何舟浮

瀟湘月山倒洞庭波投汨笑古人臨濠得天和閒時田

畝中搔背牧雞鵝別離解相訪應在武陵多

士贊曰應劭曰汨水

在羅故曰汨羅正義曰羅城縣在湘陰縣東北六十里縣北有汨水汨音覓淮南子曰顏回夭死李由植於衛皆迫於性命之情而不得天也和者也

憶襄陽舊遊贈馬少府巨

昔為大堤客曾上山公樓開牕碧嶂滿拂鏡滄江流高

冠佩雄劍長揖韓荊州此地別夫子今來思舊遊

齊賢曰大

堤在襄陽晉永嘉三年山簡出鎮襄陽故有山谷樓太白與韓荊州書曰天下談士相聚而言曰生不用封萬戶侯但願一識韓荊州何令人之景慕一至
於此耶又曰願聞張心顏不以長揖見拒

朱顏君未

老白髮我先秋壯志恐蹉跎功名若雲浮歸心結遠夢

落日懸春愁空思羊叔子墮淚峴山頭

士贊曰羊叔子事見前卷

對雪獻從兄虞城宰

昨夜梁園裏弟寒兄不知庭前看玉樹腸斷憶連枝

士贊

曰梁園雪事見前卷註

訪道安陵遇蓋還為余造真籙臨別留贈

蓋音盍

清水見白石仙人識青童安陵蓋夫子十歲與天通

士贊

曰安陵屬右扶風

懸何與微言談論安可窮能令二千石撫背

驚神聰揮毫贈新詩高價掩山東至今平原客感激慕

清風

齊賢曰山東太行山之東也士贊曰晉郭象好老莊能清言王衍每云聽郭象語如懸河瀉水注而

不學道北海仙傳書藥珠宮丹田了玉闕白日思雲空

為我草真錄天人慙妙工七元洞豁落八角輝星虹

齊賢

曰黃庭內景經云閒居藥珠作七言道書二十四炁浮沉關鎖訣曰臍下一寸三分為丹田丹田者鼎器也日晶月華入鼎成丹又曰玉樓臺是喉嚨結嚨闕是胸臆絳宮是心士贊曰西昇經老君謂尹喜曰吾將汝上朝玉宸遊歷帝鄉作是語已遂徧歷九天上昇上清玉闕珠城藥珠宮白日思雲空者飄飄然有凌雲氣遊天地間志也後魏道釋志泰常二年丁巳老君再降賜道士冠謙之符錄七十卷真玉錄一卷上元者道家所謂北

斗七元星君也豁落者所謂豁落斗也按靈書紫文二十四事內有神虎金虎消魔豁落流金之章三洞真經曰真文者五方真炁之精凝結成文八角垂芒或為雲篆之形或成走獸之狀三災蕩穢蛟

龍翼微躬舉手謝天地虛無齊始終黃金滿高堂答荷

難克充

士翬曰馬融云日月星辰皆以璿璣玉衡度知其盈縮進退莊子恬淡寂寞虛無無為此天地

之平而道德之篤也又萬物一齊執長執短道無終始物有死生

下笑世上士沉寃北

羅鄴昔日萬乘墳今成一科蓬贈言若何重寶此輕華

嵩

齊賢曰涪州鄴都觀乃北都羅鄴所治名平都福地內經曰下離塵境上界玉京注云玉京無為之天三

十二帝之都玉京之下乃崑崙北都羅鄴北帝三十六洞所居士贊曰玉格曰羅鄴山在北方癸地周迴三萬

里高二千六百里是為六天
鬼神之宮人死皆至其中

贈崔郎中之金陵

胡鴈樓海翼翔翔鳴素秋驚雲辭沙朔飄蕩迷河洲

齊賢

曰時宗之謫官金陵故有此贈

有如飛蓬人去逐萬里遊登高望浮雲

彷彿如舊丘

齊賢曰商君書飛蓬遇飄風而行千里乘風之勢也

日從海傍沒水

向天邊流長嘯倚孤劍目極心悠悠歲晏歸去來富貴安可

求仲尼七十說歷聘莫見收魯連逃千金珪組豈可酬

齊賢曰孔

子歷聘七十餘國而不遇士贊曰史記平原君欲封魯仲連爵及以千金為魯仲連壽仲連辭讓不受遂辭去終身不復

見時哉苟不會草木為我儔希君同攜手長往南山幽

贈崔諮議

綠驥本天馬素非伏櫪駒長嘶向清風倏忽凌九區何
言西北至却走東南隅世道有翻覆前期難豫圖希君
一剪拂猶可騁中衢

贈昇州王使君忠臣

六代帝王國三吳佳麗城賢人當重寄天子借高名巨
海一邊靜長江萬里清應須救趙策未肯棄侯嬴

齊賢曰唐

昇州六代吳晉宋齊梁陳所都出謝朓詩江南佳麗地
金陵帝王州昇州東極於海西帶長江至於岷山士贇
曰吳群吳興丹陽為三吳丹陽即今建康
府侯羸教公子無忌救趙事見三卷註

贈別從甥高五

魚目高太山不如一璵璠賢甥即明月聲價動天門能

成吾宅相不減魏陽元自顧寡籌略功名安所存

齊賢曰晉

魏好字陽元少孤為外家寧氏所養寧氏起宅相宅者
曰當出貴甥外祖母以盛氏甥少而惠意謂應之好曰
當為外氏成此宅相後為司徒士贇曰杜預曰璵璠
美玉也西京賦注闔闔天門也立高闕以象天門

五

木思一擲如繩繫窮猿樞中駿馬空堂上醉人喧黃金

久已罄為報故交恩

齊賢曰李充為褚裒參軍以貧求外哀問之對曰窮後投村豈暇擇

木乃除刺溪令士贊曰

劉裕五木事見三卷註聞君隴西行使我清心魂與爾

共飄飄雪天各飛翻江水流或卷此心難具論貧家羞

好客語拙覺辭繁三朝空錯暮對飯却慚寬

齊賢曰唐渭州隴西

郡隴西縣三朝謂
歲朝月朝日朝也

自笑我非夫生事多契闊積蓄萬古

憤向誰得開豁天地一浮雲此身乃毫末忽見無端倪

太虛可包括

齊賢曰非夫非丈夫也士贊曰顏師古曰豁然開大之貌

去去何足道

臨岐空復愁肝膽不楚越山河亦衮裊雲龍將相從明

主會見收成功解相訪流水桃花流

齊賢曰莊子仲尼謂季常曰自其異

者視之肝膽楚越也
易曰雲從龍風從虎

贈裴司馬

翡翠黃金縷綉成歌舞衣若無雲間月誰可比光輝秀
色一如此多為衆女譏君恩移昔愛失寵秋風歸愁苦
不窺鄰泣上流黃機天寒素手冷夜長燭復微十日不
滿匹鬢蓬亂若絲猶是可憐人容華世中稀向君發皓
齒顧我莫相違

叙舊贈江陽宰陸調

太伯讓天下仲雍揚波濤清風蕩萬古跡與星辰高開

吳食東溟陸氏世英髦

齊賢曰史吳太伯弟仲雍皆周太王之子而季歷之兄歷賢而

有聖子昌太王欲立季歷而及昌於是太伯仲雍二人乃奔荆蠻文身斷髮示不可用以避季歷季歷果立是為王季而昌為文王太伯之奔荆蠻自號勾吳荆蠻義之從而歸之者千餘家立為吳太伯太伯卒無子弟仲雍立仲雍卒子季簡立季簡卒子叔達立叔達卒子周章立是時武王克殷求太伯仲雍之後得周章於吳因而封之乃封周章弟虞仲於周之北故夏墟是為虞仲列為諸侯後漢陸閔字子春會稽吳人建武中為尚書令子續字志源幼孤仕群戶曹史刺史行部辟為別駕從事子康字季寧以義烈稱舉茂才轉守桂陽安樂二

郡子績仕吳為鬱林太守調其後也至唐世居姑蘇其
門有巨石遠祖績罷鬱林守舟輕不可越海馭石爲重
號鬱林石
世保其居
多君秉古節嶽立冠人曹風流少年時京洛

事遊遨腰間延陵劍玉帶明珠袍我昔聞雞徒連延五

陵豪邀遮相組織呵嚇來煎熬

齊賢曰延陵劍闔雞
又五陵豪並見前卷

君

開萬叢人鞍馬皆辟易告急清憲臺脫余北門厄間宰

江陽邑剪棘樹蘭芳城門何肅穆五月輝秋霜好鳥集

珍木高才列華堂時從府中歸絲管儼成行但苦隔遠

道無由共銜觴

齊賢曰御史臺曰憲臺詩北門刺不得
志也言衛之忠臣不得其志耳鄭氏箋

云君不知已志而遇困
苦唐志揚州江陽縣

江北荷花開江南楊柳鮮掛席

拾海月乘風下長川多沽新豐醪滿載剡溪船中途不

遇人直到爾門前大笑同一醉取樂平生年

齊賢曰楊梅其實似

穀而有核其味酸

新豐醪見前卷

贈從孫義興宰銘

天子思茂宰天枝得英才朗然清秋月獨出映吳臺落

筆生綺繡操刀振風雷蠖屈雖百里鵬騫望三台

齊賢曰唐

常州義興縣在州西南吳王闔閭起臺於姑蘇故曰吳
臺晉志三台六星兩兩而居起文昌列抵太微三公之

位也士贇曰秋月乃喻其清明也風雷喻其政令之嚴也退食無外事琴堂向山開

綠水寂以閒白雲有時來河陽富奇藻彭澤縱名杯所

恨不見之猶如仰昭回

齊賢曰宓子賤為單父宰彈琴不下堂而單父治故後世以宰

之室為琴堂潘岳為河陽令潘尼贈詩云流聲馥秋蘭摘藻豐春華陶潛為彭澤令性嗜酒家貧不能常得親舊或置酒招之造飲必醉世說戴安道年十餘歲在瓦觀寺盡王長史見之曰此童非徒能盡亦終常致名恨吾老不見其盛時耳元惡皆滔天疲人散幽草驚川無活鱗舉邑

罕遺老誓雪會稽耻將奔宛陵道

齊賢曰越王勾踐栖於會稽吳王追而圍

之乃今大夫種行成吳卒赦越勾踐反國置膽於坐卧即仰膽飲食亦嘗膽曰汝忘會稽之耻耶唐宣州南陵

縣有宛陵士贊曰滔漫也貌象恭敬而心狠傲若漫天然

亞相素所重投刃應桑林

獨坐傷激揚神融一開襟絃歌欣再理和樂醉人心蠹

政除害馬傾巢有歸禽壺漿候君來聚舞若謳吟農人

棄蓑笠蠶女墮纓簪歡笑相拜賀則知惠愛深

齊賢曰太白自

注云亞相李公重之以能政中丞李公免罷以後官則義興嘗以事去縣因二公而復職也桑林舞名也組屬於弁垂頭而下結之謂之纓纓之垂者謂委笄卷髮者今之簪也士贊曰莊子黃帝將見大隗乎且英之山適遇牧馬童子而問塗焉黃帝曰異哉請問為天下小童辭黃帝又問小童曰夫為天下者何以異夫牧馬者哉亦去其害馬者而已矣黃帝再拜稱天師而退列子至德之世禽獸可繫羈而遊鳥鵲之巢可攀援而闚此言

毀巢者喻室家已破
而民樂蠹政之除
歷職吾所聞稱賢爾為最化治一

邦上名馳三江外峻節貫雲霄通方堪遠大能文變風

俗好客留軒蓋他日一來遊因之嚴光瀨

齊賢曰漢文翁為蜀都守

見蜀地僻陋有蠻夷風乃脩起學宮發成都市招下縣子弟以為學宮子弟為除便繇高者補史次為孝弟力田由是文化洽於京師者皆比齊魯焉至今巴蜀好文雅文翁之化也嚴光瀨隸屬永州

草創大還贈柳官迪

天地為橐籥周流行太易

齊賢曰管子曰天地萬物之橐籥列子天瑞篇有形者生

於無形則天地安從生故有太易有太初太易者未見氣也太初者氣之始也

造化合元符交

媾騰精魄自然成妙用孰知其指的

齊賢曰易曰男女媾精萬物化生士

贊曰參同契曰觀夫雌雄交媾之時剛柔相結而不可解得其節符非有功巧以制御之本在交媾定制

羅

絡四季間綿微無一隙日月更出沒雙光豈云隻

齊賢曰參

同契曰坎戊日精离已月光日月為易剛柔相當

姤女

乘河車黃金充轅軛

齊賢曰抱朴子曰丹砂可為黃金河車可作銀子得其道可以仙身

士贊曰參同契曰河上姤女靈而最神得火則飛不見埃塵後漢漢真君歌曰北方正氣名河車朱雀調運生

金執樞相管轄

齊賢曰古文龍虎經曰神室有所象奚子之形容五嶽峙潜洞際會為樞轄

摧伏傷羽翮朱鳥張炎威白虎守本宅相煎成苦老消

鑠凝津液

齊賢曰朱鳥屬火為心白虎屬金為肺津液者華池神水也士贊曰此所謂相煎者即參

同契所謂升熬於甑山芳炎火張設下誦誦鼎馳涕芳暴滿不休止苦老教教聲甚悲芳如嬰兒慕母之意也老者煉飛火候之老嫩悉鉛汞相制升之道耳髮髯明牕塵死灰同至寂擣治

入赤色十二周律厯赫然稱大還與道本無隔

士贊曰參同契

連土文云歲月將欲終毀性陽壽年形體為灰土狀若明窓塵擣治并合之地入赤色門固塞其際會務令致完堅炎火張於下晝夜聲正勤始文使可修終竟武乃陳候視如謹慎審察調寒溫周旋十二節節盡更親觀氣素命將絕體死士鬼覓色轉更為紫赫然成還丹粉提以一丸刀圭最為神又曰陰陽相飲食交感道自然名者以定情字者以性言白日可撫弄清都在咫尺北金木歸本初乃得稱還丹

鄴落死名南斗上生籍

齊賢曰北羅鄴事見前晉天文志南斗六星天廓也丞相太宰

之位一曰天機南二星魁天梁也中央二星天相也北
二天府庭也亦為臺命之期士贇曰道藏經云東北主
箕西斗記名北斗落死南斗上生中斗大魁總監衆靈
又晉干寶搜神記曰管輅字公明善解諸術至中原見
趙顏貌主夭亡而嘆顏奔告父父乃求輅延命輅曰子
歸覓請酒一盞鹿脯二斤吾卯日必至君家且方便求
請其父覓酒脯而候之輅果至語顏曰汝那日刈麥地
甫大朶樹下有二人圍碁次汝但一邊斟滿盞置脯於
前飲盡更斟以盡為度若問汝但拜之勿言必合有人
救汝顏依言而往見二人圍碁顏置脯斟酒於前其人
貪戲但飲酒食脯不顧飲數巡北邊坐者忽見顏在叱
曰何故在此顏唯拜之南面坐者人語曰適來飲他酒
脯寧無請乎北邊坐者曰文書已定南邊坐人曰借文
書看之見趙子壽可十九歲乃取筆挑上語顏曰救汝

至九十年活顏拜而回管語顏曰大助子喜且得增壽
北邊坐人是北斗南邊坐人是南斗南斗注生北斗注
死凡人受胎嘗從南斗祈福皆向北斗抑予是何者身在方士格才術信

縱橫世途自輕擲

齊賢曰方士方外之士也士贊曰太白自悔其少年任術之輕故云吾

求仙棄俗君曉損勝益不向金闕遊思為玉皇客鸞車

速風電龍騎無鞭策一舉上九天相携同所適

齊賢曰五星經

云天上白玉京黃金闕抱朴子曰得道之士或委華駟而鞭蛟龍或棄神州而宅蓬瀛士贊曰金闕猶朝廷之上也玉皇客仙者也

贈崔司戶文昆季

雙珠出海底俱是連城珍明月兩特達餘輝傍照人

士贊

曰晉書張載傳和璧之在荆山隋珠之潛重川非遇其人焉有連城之價照車之名乎

英聲振名

都高價動殊鄰豈伊箕山故特以風期親惟昔不自媒

擔簦西入秦攀龍九天上忝列歲星臣

士贊曰史孟嘗君傳云馮驩曰

天下之游士憑軾結鞶西入秦者無不欲強秦而弱齊列仙傳東方朔久在吳中為書師數十年武帝時上書拜為郎至昭帝時時人或謂聖或謂凡人作深淺顯默之行或忠言或戲語莫知其旨至宣帝時初棄郎以避亂世置情官舍風飄之而去後見於會稽賣藥五湖智者疑其歲星精也簞笠之有柄者布衣侍丹

墀密勿草絲綸才微惠渥重讒巧生緇磷

士贊曰此四句太白自述

一去已十年今來復盈旬清霜入曉髮白露生衣巾側
見綠水亭開門列華茵千金散義士四坐無凡賓欲折
月中桂特為寒者薪路傍已竊笑天路將何因

士贇曰
異書言

月桂高五百丈下有一人常斫之樹創隨合
人姓吳名剛西河人學仙有過謫令伐樹

垂恩儻丘

山報德有微身

贈溧陽宋少府陟

李斯來相秦且逐東門兔宋玉事襄王能為高唐賦常
聞綠水曲忽此相逢遇掃洒青天開豁然披雲霧

齊賢曰綠

水舞曲也士贊曰李斯事及宋玉事見前卷

歲蕤紫鸞鳥巢在崑山樹驚風

西北吹飛落南溟去

齊賢曰瑞應圖曰鸞者赤神之精崑山即崑崙山有鳳巢其樹士贊

曰歲蕤羽毛貌

早懷經濟策持受龍顏顧白玉棲青蠅君臣忽

行路

齊賢曰漢高祖隆準而龍顏青蠅點白為黑以喻讒人持正為邪

人生感分義貴

欲呈丹素何日清中原相期廓天步

齊賢曰丹素心也士贊曰莊子以道

觀分而君臣之義明

戲贈鄭溧陽

齊賢曰唐并州江寧郡溧陽縣嘗隸宣州

陶令日日醉不知五柳春素琴本無絃漉酒用葛巾清

風北牕下自謂義皇人何時到溧里一見平生親

齊賢曰南

史陶潛字淵明尋陽柴桑人宅邊有五柳樹嘗著五柳先生傳性嗜酒或置酒招之造飲輒醉不解音聲而蓄素琴一張每有酒適輕撫弄以寄意逢其酒熟取頭上葛巾漉酒訖還著之嘗言五六月北牕下涼風暫至自謂義皇上人栗里在尋陽淵明所居處

贈僧崖公

昔在朗陵東學禪白眉空大地了鏡徹迴於寄輪風攬

彼造化力持為我神通

齊賢曰蜀志馬良字季常兄弟五人並有才名鄉里諺曰馬氏

五常白眉最良良眉中有白毛也四祖與法融禪師曰神通變化悉自具足不離汝心士贇曰楞嚴經云汝觀

地性麓為天地經為微混以云相待成搖故有晚謁太
風輪執持世界從妄見生山河大地諸有為相

山君親見日沒雲中夜卧山月拂衣逃人群授余金仙

道曠劫未始聞

齊賢曰第一祖迦葉父飲澤母香志昔為煨金師於畔婆尸佛八涅槃後四衆

起塔塔中像面上金色有少缺葉時有貧女將金珠飾
佛面因共發願願我二人為無累夫妻由是因緣四十
一劫身皆金色後生楚天壽盡生中天摩竭陀國婆羅
門家名曰迦葉波此云飲光勝尊蓋以金色為號也故
飲稱金仙儒謂之世
道謂之塵佛謂之劫冥機發天光獨朗謝垢氛虛舟不

繫物觀化遊江濱

齊賢曰莊子泰宇定者發乎天光發乎天者人見其人士贊曰爾雅注大

水溢出別為小水為濱故詩有汝濱
淮濱此云江濱者江水別出之涯也江濱遇同聲道崖

乃僧英說法動海嶽游方化公卿手秉玉麈尾如登白

樓亭微言注百川亶亶信可聽

齊賢曰會稽記曰玉樓亭在會稽山陰臨流映

聲

一風鼓羣有萬籟各自鳴啓閉八牕牖託宿掣電霆

自言厯天台搏壁躡翠屏凌兢石橋去恍惚入青冥

齊賢

曰莊子南郭子綦曰大塊噫氣其名為風是為無作則萬竅怒號子游曰地籟則衆竅是已人籟則比竹是已會稽記赤城山上有石橋懸度有石橋風橫絕其上遙有過徑裁容數人顧愴之啓蒙記天台山石橋路徑不盈尺長數十步至滑下臨絕冥之澗清冥太清又雲也士贇曰陰陽相感而為雷激而為霆霆電也服虔曰凌兢恐懼也師古曰凌兢者寒涼戰慄之處昔在今來歸絕景無不經何日

更攜手乘杯向蓬瀛

齊賢曰杯度者不知姓名嘗乘木杯渡水嘗宿一家竊一金激去主

人追至孟津浮木杯渡河

遊溧陽北湖亭望瓦屋山懷古贈同旅

一云贈孟浩然

士贇曰懷古者感貞義女墳之事也

朝登北湖亭遙望瓦屋山天清白露下始覺秋風還

齊賢

曰唐昇州溧陽縣上元二年州廢還隸宣州有湖山士贇曰禮記月令孟秋之月涼風至白露降

遊子

託主人仰觀眉睫間目色送飛鴻邈然不可攀長吁相勸勉何事來吳關聞有貞義女振窮溧水灣清光了在

眼白日如披顏高墳五六墩岑兀棲猛虎遺跡翳九泉

芳名動千古子胥昔乞食此女傾壺漿運開展宿憤入

楚鞭平王凜冽天地間聞名若懷霜

士寶曰吳越春秋子胥奔吳到昭關

聞吏欲執之伍員用詐曰上所以索我者美珠也今我已亡矣將去取之聞吏因捨之追者在後幾不得脫至江有漁父乘船渡之遂行至吳疾於中道乞食漂陽適會女子擊綿於瀨水之上宮中有飯子胥遇之謂曰夫

人可得一食乎女曰妾獨與母居三十未嫁飯不可得子胥曰夫人振窮途少飯亦何嫌哉女子知非常人遂

許之發其簞苴飯其盞漿長跪與之子胥既食而去又

子曰君有遠逝之行何不飽而食之子胥既食而去又

謂女子曰掩夫人之壺漿無令其露女子嘆曰嗟乎妾

與母居三十年自守貞明不願從適何宜饋飯而與丈

夫越戲禮儀妾不忍也子行矣子胥行反顧女子已自投於瀨水矣於呼貞明執操其大夫女哉棲猛虎者謂墳如伏虎之狀猶馬鬣封之謂也子胥破楚入秦以不得昭王乃掘平王之墓出其屍鞭之三百左足踐腹右手抉其目謂之曰誰使汝用讒諛之口殺我父兄豈不冤哉子胥等既破楚還過漂陽瀨水之上乃長大息曰吾嘗飢於此乞食於一女子女子飼我遂投水而亡欲報以百金不知其家乃投金水中而去有頃一老嫗行哭而來人問曰何哭之悲嫗曰吾有女子守居三十不嫁往年擊綿於此遇一窮途君子而輒飯之而恐事泄自投於瀨水今聞伍君來不得其償自傷虛死是故悲耳人曰子胥欲報百金不知其家投金水中而去矣老嫗遂取金而歸壯夫或未達十步九太行

形容其所行不遂意也

與君拂

衣去萬里同翱翔

醉後贈從甥高鎮

馬上相逢揖馬鞭客中相見客中憐
欲邀擊筑悲歌飲正值傾家無酒錢
江東風光不借人枉殺落花空自春
黃金逐手快意盡昨日破產今朝貧
丈夫何事空嘯傲不如燒却頭上巾

齊賢曰太白上安州裴長史書曰昔東遊維揚不逾一年散金三十餘萬

有落鬼公子悉皆濟之淵明詩若復不快飲空負頭上巾君為進士不得進我被秋

霜生旅髮時清不及英豪人三尺童兒重廉蔭匣中盤
劍裝鰐魚閒在腰間未用渠且將換酒與君醉醉歸託

宿吳專諸

齊賢曰進士科始隋大業中盛於唐貞觀永徽之間其推引則曰白衣公卿其艱難則曰

三十老明經五十少進士廉蔣廉頗蔣相如鰲倉合切又音錯專諸刺客也棠邑人伍子胥自楚亡吳知專諸之能進於公子光士贊曰此太白少年任俠之作也

贈秋浦柳少府

秋浦舊蕭索公庭人吏稀因君樹桃李此地忽芳菲
搖筆望白雲開簾當翠微時來引山月縱酒酣清輝而我

愛夫子淹留未忍歸

齊賢曰唐秋浦隸池州爾雅山未及上曰翠微

贈崔秋浦三首

吾愛崔秋浦宛然陶令風門前五楊柳井上二梧桐山
鳥下聽事簷花落酒中懷君未忍去惆悵意無窮

其二

崔令學陶令北牕常晝眠抱琴時弄月取意任無絃見

客但傾酒為官不愛錢

士贊曰此三聯並見本卷前詩註

東臯春事起

種黍早歸田

士贊曰唐書文中子王通之弟王績字無功絳州人性簡放不喜拜揖隋大業中舉

孝悌廉潔授秘書正字不樂在朝求為六合丞以嗜酒不任事乃還鄉里績有奴婢數人種黍春秋釀酒養鳧

鴈時藥草常遊北山

東臯自號東臯先生

其三

河陽花作縣秋浦玉為人地逐名賢好風隨惠化春水

從天漢落山逼畫屏新應念金門客投沙弔楚臣

齊賢曰晉

書潘岳為河陽令植桃李人號河陽一縣花水從天漢落者九華山之瀑布太白嘗待詔金鑒故曰金門客賈誼渡湘水為賦以弔屈原士贇曰地逐名賢好者興在上兩句謂秋浦得崔令而好猶河陽得岳陽而宿亦猶晉書所呼卑長岩為許度岩之類也師古曰天漢河漢也

望九華贈青陽韋仲堪

昔在九江上遙觀九華峯天河掛綠水秀出九芙蓉

齊賢

曰九華山隸池州舊名九子山九華山錄曰清陽縣坤隅一舍有山奇秀其數有九故號九子山李太白更其號曰九華山

雲松

我欲一揮手誰人可相從君為東道主於此卧



李太白集分類補註卷十

欽定四庫全書

集部

李太白集分類補註卷十一至十四

詳校官侍郎臣謝墉

檢討臣何思鈞覆勘

總校官編修臣王燕緒

校對官學正臣翁樹棠

謄錄監生臣魏鎔

欽定四庫全書

李太白集分類補註卷十一

宋 楊齊賢 集註

元 蕭士贊 補註

贈

贈王判官時余歸隱居廬山屏風疊

昔別黃鶴樓蹉跎淮海秋俱飄零落葉各散洞庭流中
年不相見躋蹉遊吳越何處我思君天台綠蘿月

齊賢曰黃

鶴樓在鄂州禹貢淮海惟揚州兩浙皆吳越之地

會稽風月好却遶剡溪迴雲

山海上出人物鏡中來一度浙江北十年醉楚臺荆門

倒屈宋梁苑傾鄒枚苦笑我誇誕知音安在哉

齊賢曰九域志

越州會稽郡剡溪在湘東南王羲之曰行山陰道上如鏡遊江陵有章華臺皆楚王所建荊州郡西實岸有山

名荆門梁苑鄒枚事見前

大盜割鴻溝如風掃秋葉吾非濟代人且

隱屏風疊中夜天中望憶君思見君明朝拂衣去永與

海鷗羣

齊賢曰大盜指祿山慶緒屏風疊在廬山

在水軍宴贈幕府諸侍御

永王軍中

月化五白龍翻飛凌九天胡沙驚北海電掃洛陽川虜

箭雨宮闕皇輿成播遷

齊賢曰天寶十四載十一月甲子祿山以十五萬衆反范陽十

二月丁酉陷洛陽十五載六月己亥陷京師元宗幸蜀

英王受廟畧秉鉞清南邊

雲旗卷海雪金戟羅江烟聚散百萬人弛張在一賢

士

曰英王指永王璘也事始末見八卷永王東巡歌鉞大斧也雲旗金戟並永王建節之義也鄭元曰張弛以弓弩喻霜臺降羣彥水國奉戎旃繡服開宴語天人借樓

船如登黃金臺遙謁紫霞仙

齊賢曰霜臺謂侍御也水國江漢間也謝元暉辭隋

王子隆箋曰契闊戎旃從容燕語燕昭王築黃金臺在易水東南十八里

卷身編蓬下冥機

四十年寧知草間人腰下有龍泉浮雲在一決誓欲清

幽燕

齊賢曰編蓬戶也幽燕祿山巢穴龍泉劍名楚王所造

願與四座公靜談金

匱篇齊心戴朝恩不惜微軀捐所冀旄頭滅功成追魯

連

贈武十七諤

并序

門人武諤深於義者也質木沈悍慕要離之風潛釣
川海不數數於世間事聞中原作難西來訪余余愛
子伯禽在魯許將冒胡兵以致之酒酣感激援筆而

贈

馬如一匹練明日過吳門乃是要離客西來欲報恩笑
開燕匕首拂拭竟無言狄犬吠清洛天津成塞垣愛子
隔東魯空悲斷腸猿林回棄白璧千里阻同奔君為我
致之輕齋涉淮源精誠合天道不愧遠遊魂齊賢曰要離事見前
卷太白有子伯禽以貞元八年不祿搜神後記臨川東
興有人入山得猿子歸猿母自後至其家此人縛猿子
於庭樹其母搏頰向人欲哀乞此人竟殺之猿母悲喚
自擲而死此人破腹視之腸皆斷裂士贇曰太白詩意
謂遭亂之時不能與伯禽同奔而越在東魯今託武諤
以致之輕齋涉淮者屬付之辭也雖未保其必達亦盡

吾父子之情而已萬一不幸魂其有知亦可無愧矣此詩由哀之語也

贈閭丘宿松

阮籍為太守乘驢上東平剖竹十日間一朝風化清偶

來拂衣去誰測主人情

齊賢曰簡文輔政阮籍常從容言曰籍平生曾遊東平樂其風

土帝大悅即拜東平相籍乘驢到郡壞府舍屏郭使內外相望法令清簡旬日而還帝引為大將軍從事中郎

夫子理宿松浮雲知古城掃地物莽然秋來百草生飛

鳥還舊巢遷人返躬耕

齊賢曰唐宿松縣隸舒州

何慚宓子賤不減

陶淵明吾知千載後却掩二賢名

齊賢曰呂氏春秋宓子賤宰單父彈鳴琴

不下堂而治今單父縣尚有琴臺即子賤鳴琴之所陶潛為彭澤令今江州彭澤縣是也

獄中上崔相渙

士贇曰南豐先生叙曰明皇幸蜀永王璘軍敗丹陽太白奔亡

至宿松坐繫尋陽獄宣使崔渙與御史中丞宋若思驗治以為罪薄宜貫石若思軍赴河南遂釋白囚使謀其軍事上書肅宗薦白才可用不報

胡馬渡洛水血流征戰場千門閉秋景萬姓危朝霜賢相燮元氣再欣海縣康台庭有變龍列宿粲成行羽翼

三元聖發輝兩太陽應念覆盆下雪泣拜天光

齊賢曰三元聖

元宗肅宗廣平王是代宗兩太陽元宗肅宗士贇曰高誘呂氏春秋註曰羽翼輔佐也晉天文志日為太陽之

宗人君
之象

中丞宋公以吳兵三千赴河南軍次尋陽脫余
之囚參謀幕府因贈之

獨坐清天下專征出海隅九江皆渡虎三郡盡還珠

賢齊

曰宋均遷九江太守郡多虎暴嘗募設陷穽均曰虎豹
在山龜鼈在水各有所託今為民害咎在吏殘而勞勤
張捕非優恤之本也其務退姦貪思進忠良可一去檻
穽其後傳言虎相與東遊渡江孟嘗遷合浦太守郡不
產穀實而海出珠與交趾比境嘗通商販貨糴糧先時
守宰多貪穢詭人貪求珠遂漸徙交趾郡界於是行旅
不至人物無資嘗到官草
易前弊歲餘去珠復還
組練明秋浦樓船入郢都風

高初選將月滿欲平胡殺氣橫千里軍聲動九區

齊賢曰左

傳杜預注漆甲成組文袍練袍士贊日記月令孟秋之月天子乃命將帥選士勵兵簡練俊傑專任有功以征不義月滿欲平胡因其勤而應之兵應者勝有可平之理也禮記月令仲秋之月殺氣浸盛九區九服也

猿慙劒術黃石借兵符戎虜行當剪鯨鯢立可誅自憐

非劇孟何以佐良圖

齊賢曰越女子遇白猿試劒術事見前卷注兵書有黃石公三畧即

張良所遇下邳老人也崔豹古今注雌曰鯢雄曰鯨

流夜郎贈辛判官

昔在長安醉花柳五侯七貴同杯酒氣岸遙凌豪士前

風流肯落他人後

齊賢曰長安唐京兆府長安縣漢河平二年六月成帝封諸舅王譚平阿

侯商成都侯立紅陽侯根曲陽侯逢高平侯五人同夫日封故世謂之五侯七貴謂呂霍上官趙丁傅王也

子紅顏我少年章臺走馬着金鞭文章獻納麒麟殿歌

舞淹留玳瑁筵與君自謂長如此寧知草動風塵起

士贇

曰三輔黃圖曰未央宮有麒麟殿

函谷忽驚胡馬來秦宮桃李向明開

我愁遠謫夜郎去何日金雞放赦回

齊賢曰貞觀十六年置夜郎麗輿樂

源三縣後為夜郎郡士贇曰太白詩意是指同時儕類如辛判官之輩因兵興之際不次被用為人桃李我獨遭謫也向明者向陽花木之義金雞放赦事見前

贈劉都使

東平劉公幹南國秀餘芳一鳴即朱紱五十佩銀章飲

冰事戎幕衣錦華水鄉

齊賢曰魏文帝典論東平劉楨字公幹漢儀銀印皆龜紐其文

曰銅官幾萬人諍訟清玉堂吐言貴珠玉落筆迴風霜

而我謝明主銜哀投夜郎

齊賢曰唐志宣州南陵縣武德四年隸池州州廢後析置

義安縣又廢為銅官治華陽國志文翁為蜀郡守造講堂作石室一名玉堂

歸家酒債多門

客槩成行高談滿四座一日傾千觴所求竟無緒裘馬

欲摧藏主人若不顧明發釣滄浪

贈常侍御

安石在東山無心濟天下一起振橫流功成復瀟灑大

賢有卷舒李葉輕風雅匡復屬何人君為知音者

齊賢曰論

語蘧伯玉邦有道則仕邦無道則可卷而懷之毛詩至于王道衰禮義廢政教失國異政家殊俗而變風變雅作矣士贇曰李葉季世也魏志十五年下今日今天下未定此特求賢之急時也今天下得無未遇知音者乎

傳聞武安將氣振長平瓦燕趙期洗清周秦保宗社登

朝若有言為訪南遷賈

齊賢曰漢書賈誼為博士天子議以任公卿之位絳灌東陽侯

馮敬之屬盡言之天子不用其議以為長沙王太傅南遷賈者時太白謫於夜郎自比於賈誼也意謂若登朝

而有言不妨及之或者天
幸如賈生之宣室召回也

贈易秀才

少年解長劍投贈即分離何不斷犀象精光暗往時賢齊

曰廣異記近世有士耕地得劍有胡求買遂酬百萬剋
明日持直取劍會夜佳月士人與妻持劍共視笑云此
亦何堪貴賈庭中有擣帛石因以劍指之石遂中斷及
明胡載錢至取劍視之嗤曰劍光已盡不復買苦問之
胡曰此是破山劍惟可一用吾欲持之以破寶
山今光鋒頓盡疑有所觸夫妻嘆恨說其事 蹉跎君

自惜竄逐我因誰地遠虞翻老秋深宋玉悲空摧芳桂
色不屈古松姿感激平生意勞歌寄此辭齊賢曰吳虞
翻以罪遷交

州時帝遣周賀乘海之遼東從公孫淵求馬翻欲諫不敢作表以示刺史呂岱岱不報後賀等還至成山為魏田豫所擊帝聞始思翻言召翻會翻
卒宋玉九辨曰悲哉秋之為氣也

經亂離後天恩流夜郎憶舊遊書懷贈江夏韋

太守良宰

江夏岳陽

天上白玉京十二樓五城僊人撫我頂結髮受長生誤

逐世間樂頗窮理亂情

齊賢曰史記方士言黃帝時為五城十二樓以候神人應劭曰

崑崙元圃五城十二樓仙人所常居

九十六聖君浮雲掛空名天地睹一

擲未能忘戰爭試涉霸王略將期軒冕榮時命乃大謬

棄之海上行

齊賢曰自秦始皇至唐元宗中國傳緒之君凡九十六管子曰先王制軒冕以別貴

賤莊子古之所謂賤士者非伏其身而弗見也非閉其言而不出也非藏其寶而不發也時命大謬也學

劍翻自哂為文竟何成劍非萬人敵文竊四海聲

齊賢曰史

記項籍少時學書不成去學劍又不成項梁怒籍曰書足記名姓而已劍一人敵不足學學萬人敵梁乃教籍

兵法兒戲不足道五噫出西京臨當欲去時慷慨淚沾纓

齊賢曰史霸上棘門如兒戲梁鴻過京師作五噫之歌

嘆君個儻才標舉冠羣英

開筵引祖帳慰此遠徂征鞍馬若浮雲送余驃騎亭歌

鍾不盡意白日落昆明

齊賢曰驃騎亭謝安建漢武欲征昆明夷乃鑿昆明池

十

月到幽州戈鋌若羅星君王棄北海掃地借長鯨呼吸

走百川燕然可摧傾心知不得語却欲棲蓬瀛

齊賢曰唐幽州

范陽郡戈鋌矛盾也長鯨指祿山也天寶間以祿山為平盧節度使兼柳城太守其後又代裴寬為范陽節度河北採訪使乃領平盧軍又拜雲中太守河東節度使既兼三鎮意益驕侈人皆知其必反而明皇不知太白此時徒欲奉身隱於東海彎弧懼天狼挾矢不敢張攬以避其禍而志猶不能已

涕黃金臺呼天哭昭王無人貴駿骨綠耳空騰驤樂毅

僮再生于今亦奔亡

齊賢曰楚詞挾長矢兮射天狼圖經黃金臺易水東南十八里昭王

置千金於臺上以延天下之士蹉跎不得意驅馬還貴鄉逢君聽絃歌

肅穆坐華堂百里獨太古陶然臥羲皇徵樂昌樂館開

筵列壺觴賢豪間青娥對燭儼成行醉舞紛綺席清歌

繞飛梁

齊賢曰博物志韓娥之齊鬻歌假食既去餘音繞梁三日不絕

歡娛未終朝秩

滿歸咸陽祖道擁萬人供帳遙相望一別隔千里榮枯

異炎涼

齊賢曰疏廣傳公卿大夫故人邑子設祖道供帳東都門外

炎涼幾度改九

土中橫潰漢甲連吳兵沙塵暗雲海草木搖殺氣星辰

無光彩白骨成立山蒼生竟何罪

士贇曰晉書八公山草木皆為晉兵幽

關壯帝居國命懸哥舒長戟三十萬開門納克渠公卿

如犬羊忠謹

直言醢肉與菹酢

二聖出遊豫兩京遂邱墟

齊賢曰祿山使崔乾祐屯陝以窺京是時哥舒翰病廢
在家上召見拜兵馬副元帥將兵八萬并高仙芝舊卒
號二十萬軍于潼關安慶緒寇潼關翰擊却之有告崔
乾祐在陝兵不滿四千上遣使促翰進兵復陝洛翰奏
祿山久習用兵今始為逆豈無備必羸師以誘我楊國
忠疑翰謀已言於上更趣之翰撫膺慟哭引兵出關遇
乾祐於靈寶西東南薄山北阻河隘道七十里官軍會
戰乾祐伏兵於險乘高下木石官軍大敗乾祐進克潼
關執翰以東上幸蜀至馬嵬父老遮道
留太子上許之太子乃還治兵於朔方
帝子許專征秉
旄控強楚節制非桓文軍師擁熊虎人心失去就賊勢

騰風雨惟君固房陵誠節冠終古

齊賢曰帝子指永王
璘荀卿曰桓文之節

制不足以敵湯武之仁義
尚書如虎如貔如熊如羆
僕卧香爐頂食霞漱瑤泉門

開九江轉枕下五湖連
半夜水軍來尋陽滿旌旃空名

適自誤迫脅上樓船
徒賜五百金棄之若浮烟
辭官不

受賞翻謫夜郎天

齊賢曰廬山記山東南有香爐山禹貢九江孔殷在尋陽水軍即永王舟

師也周禮析羽為旌通帛為旃

夜郎萬里道西上令人老
掃蕩六合清

仍為負霜草日月無偏照
何由訴蒼昊良牧稱神明深

仁恤交道

齊賢曰良牧韋江夏也

一忝青雲客三登黃鶴樓
顧慙

襴處士虛對鸚鵡洲
樊山霸氣盡寥落天地秋
江帶峨眉

眉雪川橫三峽流萬舸此中來連帆過揚州送此萬里

目曠然散我愁

齊賢曰劉表送禰衡於江夏太守黃祖長子射為章陵守尤善衡會賓客有

人獻鸚鵡射曰今日無以娛賓愿先生為賦衡因賦之筆不停綴由是鄂有鸚鵡洲樊山隸岳州峨眉縣三峽

事見

紗牕倚天開水樹綠如髮窺日畏街山促酒喜得

月吳娃與越艷窈窕誇鉛紅呼來上雲梯含笑出簾櫳

對客小垂手羅衣舞春風

齊賢曰古樂府有大垂手小垂手曲解題云大垂手小垂

手皆言其舞而垂手也吳均小垂手曲曰舞大出西秦躡影飛陽春且復小垂手廣袖拂紅塵賓跪請

休息主人情愈極覽君荆山作江鮑堪動色清水出芙

蓉天然去雕飾

齊賢曰荆山作韋之詩也鮑照曰初發芙蓉自然可愛士贇曰江淹詩丹彩既

已過不敢去雕飾

逸興橫素襟無時不招尋朱門擁虎士列戟

何森森剪鑿竹石開縈流漲清深登樓坐水閣吐論多

英音片辭貴白璧一諾輕黃金謂我不愧君青鳥問丹

心五色雲間鵲飛鳴天上來傳聞赦書至却放夜郎迴

暖氣變寒谷炎烟生死灰君登鳳池去忽棄賈生才

齊賢

曰朝野僉載曰唐貞觀末南康黎景逸一於空青山常有鵲巢其側每飲食以餒之後隣近失布者誣景逸盜之繫南康獄月餘欲訊之其鵲止於獄樓向景逸歡喜以傳語之狀其日傳語赦官司詰其由來云路逢元衣

素衿人所說三日而赦至景逸還
山乃知元衣素衿者鵲之所傳
桀犬尚吠堯匈奴笑

千秋中夜四五嘆常為大國憂旌旆夾兩山黃河當中
流連難不得進飲馬空夷猶安得羿善射一箭落旄頭
齊賢曰鄒陽傳曰桀之犬可使吠堯漢田千秋為高寢
郎會太子為江充所譖敗久之千秋上急變訟太子寃
上大感悟召見拜大鴻臚數月代劉屈氂為相後漢使
至匈奴單于問聞新拜丞相何用得之使者曰以上書
言事故單于曰如是漢置丞相非
用賢也士贇曰兩山太華首陽也

江夏使君叔席上贈使郎中

鳳凰丹禁裏銜出紫泥書昔放三湘去今還萬死餘仙

郎久為別客舍問何如涸轍思流水浮雲失舊居多慙

華省貴不以逐臣疎復如竹林下叨陪芳宴初希君生

羽翼一化北溟魚齊賢曰事始云石季龍置戲馬觀觀上安詔書用五色紙銜于木鳳之口

轆轤回轉形若飛翔後漢志天子六璽皆以武都紫泥封青囊白素裏兩端無縫三湘見前本傳云白與孔巢

父韓隼裴政張叔明陶汚居徂徠山號竹溪六逸

博晉鄭太守自廬山千里相尋入江夏北市門

見訪却之武陵立馬贈別

大梁貴公子氣蓋蒼梧雲若無三千客誰道信陵君救

趙復存魏英威天下聞邯鄲能屈節訪博從毛薛夷門
得隱淪而與侯生親仍要鼓刀者乃是袖槌人好士不

盡心何能保其身

齊賢曰無忌救趙事見前無忌留趙聞有處士毛公藏於博徒薛公藏於

賣漿家乃步往從此兩人游公子十年不歸秦日夜出兵伐魏魏王使使請公子毛公薛公往見公子曰公子所以重於趙名聞諸侯者徒以有魏也使秦破大梁而夷先王之宗廟公子當何面目立天下乎語未畢公子趣駕歸魏魏王見公子相與泣而以上將軍印授公子公子遂將諸侯聞之各遣兵救魏公子率五國之兵破秦於河外乘勝逐秦軍至函谷關秦兵不敢出當是時公子威振天下士贇曰好士不盡心何能保其身者言公子存趙救魏之功始終得侯生毛公薛公之力所以能保其身者是收盡心好士之效也此詩太白蓋以公

子無忌屬望鄭公而多君重然諾意氣遙相託五馬入
以侯生毛薛自期也

市門金鞍照城郭都忘虎竹貴且與荷衣樂

齊賢曰漢儀天子六

馬諸侯五馬士翫曰荷衣隱者草服也去去桃花源何

以喻鄭公忘其勢分以貴下賤之義

齊賢曰桃花源在朗州桃源縣

時見歸軒相思無終極腸斷朗江猿

江上贈竇長史

漢求李布魯朱家楚逐伍胥去章華萬里南遷夜郎國

三年歸及長風沙聞道青雲貴公子錦帆遊戲西江水

人疑天上坐樓船水淨霞明兩重綺

齊賢曰須賈曰隋煬帝幸江都以錦

為帆相約相期何太深
棹歌搖艇月中尋
不同珠履三千客
別欲論交一片心

贈王漢陽

天落白玉棺
王喬辭鄴縣
一去未十年
漢陽復相見
猶乘飛鳬舄
尚識仙人面
鬢髮何青青
童顏皎如練

齊賢曰列

仙傳王喬河東人顯宗世為葉令每月朔嘗自縣詣臺
朝帝怪其來數而不見車騎令太史伺望之言其臨至
輒有雙鳬從東南飛來於是伺鳬至舉羅張之但得雙
鳬視之即四年中所賜尚書官屬履後天下玉棺於堂
前吏人推排終不搖動喬曰天帝獨召我邪乃沐浴服
飾寢其中蓋便立覆宿昔葬於城東其夕縣中牛皆流

汗喘乏而人無知者
吾曾弄海水清淺嗟三變果愜麻姑言時光

速流電與君數杯酒可以窮歡宴白雲歸去來何事坐

交戰

齊賢曰神仙傳漢桓帝時王方平降於蔡經家令

人與麻姑相聞麻姑來乃一好女子年可十七八

入拜方平為起立麻姑曰接待以來見東海三為桑田

向到蓬萊水又淺於往昔流電者謂日月之易邁猶電

徹之速也

贈漢陽輔錄事二首

聞君罷官意我抱漢川湄借問久疎索何如聽訟時天

清江月白心靜海鷗知應念投沙客空餘弔屈悲

齊賢曰罷

官解印也湄猶云瀟也投沙客屈原也賈誼為長沙王太傅渡湘水為賦以弔屈原

其二

鸚鵡洲橫漢陽渡水引寒烟沒江樹南浦登樓不見君

君今罷官在何處漢口雙魚白錦鱗令傳尺素報情人

其中字數何多少祇是相思秋復春

齊賢曰鸚鵡洲在漢陽渡之上流漢

口在漢陽之東二里

江夏贈韋南陵冰

胡騎馬驚沙塵起胡雛飲馬天津水君為張掖近酒泉

我竄三巴九千里

齊賢曰唐甘州張掖郡肅州酒泉郡

天地再新法令寬

夜郎遷客帶霜寒西憶故人不可見東風吹夢到長安

寧期此地忽相遇驚喜茫如墮烟霧玉簫金管喧四筵

苦心不得申長句

齊賢曰故人即韋南陵祿山自范陽獻白玉簫管數百

昨日繡

衣傾綠樽病如桃李竟何言昔騎天子大宛馬今乘欵

段諸侯門賴遇南平豁方寸復兼夫子持清論有似山

開萬里雲四望青天解人悶人悶還心悶苦辛長苦辛

齊賢曰漢有繡衣御史大宛國出善馬南平指太守李之暹也

愁來飲酒二千石寒灰

重暖生陽春山公醉後能騎馬別是風流賢主人齊賢曰開

元遺事宋璟愛民恤物時人咸謂有脚陽春言所至之處如陽春照物也山簡鎮襄陽童兒歌曰山公出何許往至高陽池日夕倒載歸酩酊無所知時時能騎馬倒着白接羅頭陀雲月多僧氣山

水何曾稱人意不然鳴笳按鼓戲滄流呼取江南女兒歌棹謳我且為君槌碎黃鶴樓君亦為吾倒却鸚鵡洲

赤壁爭雄如夢裏且須歌舞寬離憂齊賢曰頭陀寺在鄂州宋大明五年

建天竺言頭陀北斗數斗數煩惱也赤壁磯與百人山對峙在今鄂州上流八十里士翫曰周瑜劉備敗曹操於赤壁故曰爭雄也

贈盧司戶

秋色無遠近出門盡寒山白雲遙相識待我蒼梧間借

問盧耽鶴西飛幾歲還

齊賢曰鄧德明記盧耽廣州人仕州為治中少學仙術身能奮

飛每夕輒凌虛歸家晚則還州嘗赴元會至曉不能隨從參預朝列化為白鶴至閣前回翔欲下威儀以帚擲之得一隻履耽乃驚還就列

贈從弟南平太守之遙二首

少年不得意落魄無安居願隨任公子欲釣吞舟魚常
時飲酒逐風景壯心遂與功名疏蘭生谷底人不鋤雲

在高山空卷舒

齊賢曰任公子釣巨魚事見一卷註

漢家天子馳駟馬赤

車蜀道迎相如

齊賢曰朱買臣拜會稽太守長安廐吏乘駟馬車來迎張晏曰大夫乘官車駕

駟馬如今州牧刺史赤車朱輪也士贇曰索隱曰華陽國志云蜀天城北十里有升仙橋送客觀相如初入長

安題柱云不乘赤車駟馬不過此下也

天門九重謁聖人龍顏一解四海

春彤庭左右呼萬歲拜賀明主收沈淪

士贇曰天門九重皆使虎豹守

其闕鑰班固西都賦註曰彤赤色也以彤漆飾庭

翰林秉筆回英盼麟閣崢嶸

誰可見承恩初入銀臺門著書獨在金鑾殿

齊賢曰唐銀臺門與

左右掖昇龍門相望士贇曰太白召見金鑾殿及供奉翰林事見本集序并前註

龍鉤雕鏤白

玉鞍象牀綺席黃金盤當時笑我微賤者却來請謁為

交歡

齊賢曰戰國策孟嘗君至楚獻象床直千金

一朝謝病遊江海疇昔相

知幾人在前門長揖後門闕今日結交明日改愛君山

岳心不移隨君雲霧迷所為夢得池塘生春草使我長

價登樓詩別後遙傳臨海作可見羊何共和之

齊賢曰謝靈運

當於永嘉西堂思詩竟日不就忽夢見惠連即得池塘生春草大以為工常云此詩有神助謝靈運有登臨海嶠作與從弟惠連見羊何共和詩一首沈約宋書云靈運既東還與族弟惠連東海何長瑜潁川荀雍太山羊璿以文章當會共為山澤之游謂之四友

其二

東平與南平古今兩步兵素心愛美酒不是顧專城謫

官桃源去尋花幾處行秦人如舊識出戶笑相迎

齊賢曰晉

阮籍拜東平相法令清簡東平鄆州也九域志南平郡為渝州阮籍聞步兵厨營人善釀有酎酒三百斛乃求為步兵校尉太白自注南平時因飲酒過度貶武陵專城居桃源縣在鼎州秦人避難居此

贈潘侍御論錢少陽

繡衣柱史何昂藏鐵冠白筆橫秋霜三軍論事多引納
階前虎士羅千將雖無二十五老者且有一翁錢少陽

眉如松雪齊四皓調笑可以安儲皇君能禮此最下士

九州拭目瞻清光

齊賢曰李伯陽為周柱下史後漢輿服志法冠一曰柱後高五寸今之後

為展蒲鐵柱冠執法者服之或謂之獬豸冠獬豸神羊能辨曲直魏辛毗傳魏大會殿中侍御史簪白筆側階而坐上面此為何官何主左右不對辛毗曰此謂御史簪筆以奏不法干將劍名說苑介子推行年十五而相荆仲尼聞之使人往視見廊下有二十五俊士堂上有二十五老人仲尼曰合二十五人之智智於湯武并二十五人之力力於彭祖以治天下其禍免矣乎士贊曰虎賁勇士之稱言其猛也

贈柳圓

竹實滿秋圃鳳來何苦飢還同月下鵲三繞未安枝

齊賢

曰鄭玄毛詩箋云鳳
風之性非竹實不食
夫子即瓊樹傾柯拂羽儀懷君戀

明德歸去日相思

齊賢曰離騷註南方有鳥其名爲鳳
天爲生樹名瓊枝高二十仞大三十

圍以琳琅爲實張揖曰
瓊樹生崑崙西流沙漬

流夜郎半道承恩放還無欣尅復之美書懷示

息秀才

黃口爲人羅白龍乃魚服得罪豈怨天以愚陷網目鯨

鯢未剪滅豺狼屢翻覆悲作楚地囚何日秦庭哭

齊賢曰鯨

鯢大魚名以喻不義之人左傳晉侯見鍾儀囚使稅之
語范文子曰楚囚君子也楚昭王在隨申包胥如秦乞

師依於庭牆而哭日夜不絕聲秦師乃出士贊曰黃口及白龍事見前

遭逢二明主前後

兩遷逐去國愁夜郎投身竄荒谷

齊賢曰二明主明皇肅宗也天寶初明皇

召見太白金鑾殿使待詔翰林嘗三欲命白官為高力士所沮詔令歸山至乾元元年以輔王永璘事流夜郎此為兩半道雪屯蒙曠如鳥出籠遙欣尅復美光武安

可同天子巡劍閣儲皇守扶風揚袂正北辰開襟攬羣

雄胡兵出月窟雷破關之東左掃因右拂旋收洛陽宮

迴輿入咸京席卷六合通

齊賢曰唐乾元元年正月戊寅上皇御宣政殿授皇帝傳

國寶符冊二月大赦改元四月甲寅朝享太廟有事于南郊乙卯大赦曾子固序曰乾元元年流夜郎遂泛洞

庭上峽江至峽山以赦得釋還也初上皇幸蜀至馬嵬父老皆遮道請留上命太子於後宣慰父老曰至尊不肯留某等願率弟子從殿下東破賊上乃諭將士曰太子仁孝可奉宗廟善輔佐之又諭太子曰勉之西北諸胡我禮之素厚汝必得其用上遂入蜀太子自奉天北至陳倉杜鴻漸說太子往靈武七月甲子即位以廣平王俶為天下兵馬元帥九月將朔方等軍及回紇西域之衆十五萬發鳳翔懷仁可汗遣其子葉護將其兵俶見葉護約為兄弟葉護呼俶為兄壬寅至長安城西李嗣業為前軍郭子儀為中軍王思禮為後軍癸卯大軍入西京留長安三日引軍東出十月廣平王至曲沃葉護使將軍鼻施吐撥裴羅等引軍南山搜伏因駐嶺北郭子儀與賊遇於新店賊依山而陣回紇自南山襲其背於黃埃中發十餘矢賊驚顧曰回紇至矣遂潰官軍與回紇夾擊之賊大敗庚申慶緒走河北壬戌廣平王入東京士贊曰屯蒙之義即易註始於冥昧及昧莫若

蒙之義蓋太白遭暗昧之叱咤開帝業手成天地功大
謬茲焉雪釋故取義云

駕還長安兩日忽再中一朝讓寶位劍璽傳無窮

齊賢曰通

鑑十二月丙午上皇至咸陽上備法駕迎於望賢宮上
皇在宮南樓上釋黃袍着紫袍望樓下馬趨進拜舞樓
下上皇降樓撫上而泣上捧上皇足鳴咽不自勝上皇
索黃袍自為上着之上伏地頓首固辭上皇曰天數人
心皆歸於汝使朕得保養餘齒汝之孝也上不得已受
之父老在仗外歡呼且拜上令開仗縱千餘人入謁上
皇曰臣等今日得覩二聖相見死無恨矣丁未發行宮
上皇上馬上親執控行數步上皇止之上乘馬前引不
敢當馳道上皇自開遠入御含元殿撫慰百官詣長樂
殿謝九廟主即日幸興慶宮遂居之上上表避位還東
宮上皇不許乾元元年正月戊寅上皇御宣政殿授冊
此讓位之本末也高祖斬蛇劍與傳國璽李斯所書者

皆歷代傳之
以為國寶
愧無秋毫力誰念矍鑠翁
弋者何所慕高

飛仰冥鴻棄劒學丹砂
臨鑪雙玉童寄言息夫子
晚歲

陟方蓬

士贊曰方蓬方壺蓬萊也

贈張相鎬二首

時逃難在宿松山作

神器難竊弄天狼窺紫宸
六龍遷白日四海暗胡塵

齊賢

曰神器天位也天狼一星在東井南主盜賊為害紫宸天帝所居

吳穹降元宰君子方

經綸澹然養浩氣歛起待大鈞
秀骨象山嶽英謀合鬼

神佐漢解鴻門生唐為後身
擁旄秉金鉞伐鼓乘朱輪

齊賢曰傳燈錄慧可大師將欲受果頭痛如刺欲治之
空中曰此乃換骨非常痛也見其頂骨即如五峯秀出
矣漢書沛公入關秦王子嬰降還軍霸上項羽至鴻門
欲擊沛公項伯遂夜馳見張良欲與俱亡良乃因要項
伯見沛公沛公與飲為壽結婚姻令其言沛公不敢背
項羽沛公乃從百餘騎驅之鴻門見謝項羽得解歸張
鎬字從周傳州人好伯王大畧揚國忠執政求天下士
為已重聞鎬才薦之釋褐拜左拾遺歷侍御史元宗入
蜀鎬徒步扈從俄遣詣肅宗所論事尋拜平章事詔河
南節度使都統淮南諸軍事帝還京封南陽郡公以本
軍鎮汴州蓋喻鎬為子房後身也

虎將如雷霆總戎向東巡諸侯拜馬

首猛士騎鯨鱗澤被魚鳥悅令行草木春聖智不失時

建功及良辰醜虜安足紀可貽惆

古獲切婦人喪冠也

與巾倒漉

溟海珠盡為入幕珍馮異獻赤伏鄧生倏來臻庶同昆

陽舉再覩漢儀新

齊賢曰蜀志諸葛亮屯五大原司馬懿與亮相守百餘日亮數挑戰懿不

出亮乃遣懿巾幘婦人之飾懿怒上表請戰魏使辛毗杖節制之馮異傳云諸將勸光武即位光武曰我昨夜夢十赤龍上天覺悟心中動悸異再拜賀曰此天命發於精神心中動悸大王謹重之性耳異上尊號

為管將鮑中奔吳隔秦一生欲報主百代期榮親其事

竟不就哀哉難重陳卧病宿松山蒼茫空四鄰風雲激

壯志枯槁驚常倫

齊賢曰太白時在宿松山宿松一隸舒州同安縣

聞君自天

來目張氣益振亞夫得劇孟敵國空無人捫蝨對桓公

願得論悲辛大塊方噫氣何辭鼓青蘋斯言儻不合歸

老漢江濱

齊賢曰漢吳楚反時條侯至河南得劇孟喜曰吳楚舉大事而不求劇孟吾知其無能為

已

其二

本家隴西人先為漢邊將功略蓋天地名飛青雲上苦

戰竟不侯富年頗惆悵

齊賢曰太白興聖皇帝九世孫隋末其先以罪徙西域神龍初

適還客巴西因家焉是生白白既長隱岷山州舉有道不應蘇頌為益州長史異之曰是子天才英特少益以

學可比相如然喜縱橫術擊劍為任俠輕財重施更客任城與孔巢父薛準裴政張叔明陶沔居徂徠山日沈

飲號竹溪六逸天寶初南入會稽與吳筠善筠被召故
白亦至長安往見賀知章知章見其文嘆曰子謫仙人
也言於元宗召見金鑾殿論當世事奏
頃一篇賜食親手調羹有詔供奉翰林
世傳崆峒勇氣

激金風壯英烈遺厥孫百代神猶王

去聲齊賢曰寰宇記肅州昔月支之

地漢武時為武威酒泉郡崆峒山在郡東

十五觀奇書作賦凌相如龍顏惠

殊寵麟閣憑天居晚途未云已蹭蹬遭讒毀

齊賢曰太白上裴長

史書十歲觀百家軒轅以來頗得聞矣與韓荊州書曰
十五好劍術徧干諸侯三十成文章歷抵公卿龍顏惠
殊寵言召見之時御手調羹步輦降迎也麟閣憑天居
言供奉翰林也蹭蹬遭讒毀蹭蹬失勢貌言高力士激
貴妃沮抑之也
想像晉末時崩騰胡塵起衣冠陷鋒鏑戎虜盈

朝市石勒窺神州劉聰劫天子

齊賢曰晉懷帝永嘉四年六月劉元海死忽殺

兄和而自立五年與劉粲率騎三萬會劉文王彌寇洛陽陷之帝出華林園門曜等追及遂焚宮廟辱妃后百

官士庶死者三萬餘人勒歸功于彌曜遂屯許昌帝蒙塵于平陽撫劍夜吟嘯雄心日

千里誓欲斬鯨鯢澄清洛陽水

齊賢曰鯨鯢大魚名喻不義之人吞食小國

六合灑霖雨萬物無彫枯我揮一杯水自笑何區區士贊

曰區區小貌

因人恥成事貴欲決良圖滅虜不言功飄然陟

蓬壺惟有安期鳥留之滄海隅

齊賢曰安期留鳥事見前卷

聞謝楊兒吟猛虎詞因此有贈

同州隔秋浦聞吟猛虎詞晨朝來借問知是謝楊兒

宿清溪主人

夜到清溪宿主人碧巖裏簷楹掛星斗枕席響風水月

落西山時啾啾夜猿起

齊賢曰九域志池州治貴池縣有清溪鎮

繫尋陽上崔相渙三首

邯鄲四十萬同日陷長平能迴造化筆或冀一人生

齊賢

曰趙孝成王七年秦與趙兵相拒長平素為反間趙王使趙括代廉頗秦乃陰使白起為上將軍射殺趙括四十萬人降起挾詐盡坑殺之造其小者二百四十人歸趙

其二

毛遂不墮井曾參寧殺人虛言誤公子投杼惑慈親白

璧雙明月方知一玉真

齊賢曰甘茂曰曾參處費魯人有與曾參同姓名者殺人人告

其母曰曾參殺人其母織自若頃之一人又告之曰曾參殺人其母尚織自若頃又一人告之曰曾參殺人其母投杼下機踰牆而走士贇曰野人毛遂墮井而死客入告平原君平原君曰嗟乎天喪予矣既而知野人毛遂非平原君客也太白引此事者亦自况其遭誣耳

其三

此一首恐非上崔相亦恐非太白之作

虛傳一片雨枉作陽臺神縱為夢裏相隨去不是襄王

傾國人

齊賢曰襄陽者舊傳赤帝之女瑤姬未行而卒葬於巫山之陽曰巫山之女及楚襄王神女事

見二卷

巴陵贈賈舍人

賈生西望憶京華湘浦南遷莫怨嗟聖主恩深漢文帝

憐君不遣到長沙

齊賢曰賈誼事見前士贇曰已上八首恐非太白之作吾故置卷末以別

之以俟具眼者

李太白集分類補註卷十一

欽定四庫全書

李太白集分類補註卷十二

宋 楊齊賢 集註

元 蕭士贇 補註

贈 二十五首

贈別舍人弟臺卿之江南

去國客行遠還山秋夢長
梧桐落金井一葉飛銀牀
覺罷攬明鏡鬢毛颯已霜
良圖委蔓草古貌成枯桑
欲道

心下事時人疑夜光因為洞庭葉飄落之瀟湘

齊賢曰
荊州記

益陽有金井數百古老傳金人以杖撞地輒成井晉樂志云後園鑿井銀作牀金瓶素練汲寒漿淮南子一葉

落而天下知秋

令弟經濟士謫居我何傷潛虬隱尺水著論談

興亡客遇王子喬口傳不死方入洞過天地登真朝玉

皇吾將撫爾背揮手遂翱翔

士贇曰王子喬及不死方事見二卷

醉後贈王厯陽

厯陽和州也

書禿千兔毫詩裁兩牛腰筆縱起龍虎舞袖拂雲霓雙

歌二胡姬更奏遠清朝舉酒挑朔雪從君不相饒

齊賢曰王

義之贊云雖掃千兔
之翰聚無一毫之筋

贈厯陽褚司馬時此公為稚子舞故作是詩也

北堂千萬壽侍奉有光輝先同稚子舞更著老萊衣因

為小兒啼醉倒月下歸人間無此樂此樂世中稀

齊賢曰毛

詩註馬得諷草種於北堂以忘憂也列士傳老萊子孝養二親著五色綵衣臥地為小兒啼

對雪醉後贈王厯陽

有身莫犯飛龍鱗有手莫撻猛虎鬚君看昔日汝南市

白頭仙人隱玉壺子猷聞風動窻竹相邀共醉杯中綠

歷陽何異山陰時白雪飛花亂人目君家有酒我何愁
客多樂酣秉燭遊謝尚自能鸚鵡舞相如免脫鸛鷖裘
清晨鼓棹過江去千里相思明月樓

齊賢曰隱玉壺事
見前晉王子猷嘗

寄居空宅中便令種竹曰不可一
日無此士贊曰明月樓在江陵郡

贈宣城宇文太守兼呈崔侍御

白若白鷺鮮清如清唳蟬受氣有本性不為外物遷飲
水箕山上食雪首陽巔迴車避朝歌掩口去盜泉石堯
廣成子倜儻魯仲連卓絕二公外丹心無間然

齊賢曰
尸子曰

孔子過於盜泉渴矣而不飲
惡其名也鄒陽曰邑號朝歌

昔攀六龍飛今作百鍊鉛

懷恩欲報主投佩向北燕彎弓綠弦開滿月不憚堅閒

騎駿馬獵一射兩虎穿回旋若流光轉背落雙鳶胡虜

三歎息兼知五兵權鎗鎗突雲將却掩我之妍多逢勦

絕兒先著祖生鞭據鞍空矍鑠壯志竟誰宣

齊賢曰晉
劉琨曰常

恐祖生先我著鞭東漢馬援被甲上馬據鞍
顧盼以示可用光武笑曰矍鑠哉是翁也

蹉跎復來

歸憂恨坐相煎無風難破浪失計長江邊危苦惜顏光

金波忽三圓時遊敬亭上閒聽松風眠或弄宛溪月虛

舟信洄沿顏公二十萬盡付酒家錢興發每取之聊向

醉中仙過此無一事靜談秋水篇

齊賢曰陶潛傳淵明義熙末徵為著作佐

郎不就顏延之留二萬錢與潛潛悉送酒家稍就取酒太白與賀知章李適之崔宗之等為酒八仙故杜甫有

飲中八仙歌莊子有秋水篇

君從九卿來水國有豐年魚鹽滿市井

布帛如雲烟下馬不作威冰壺照清川霜眉邑中叟皆

美太守賢時時慰風俗往往出東田竹馬數小兒拜迎

白鹿前含笑問使君日晚可迴旋遂歸池上酌掩抑清

風絃

齊賢曰郭汲行部到西河有兒童數百各騎竹馬於道路次迎拜

曾標橫浮雲下

撫謝眺肩樓高碧海出樹古青蘿懸光祿紫霞杯伊昔

丞相傳良圖掃沙漠別夢繞旌旃富貴日成疎願言香

無緣登龍有直道倚玉阻芳筵敢獻繞朝策思同郭泰

船何言一水淺似隔九重天

齊賢曰謝眺字玄暉據文選所載嘗為宣城守故宣

城有謝眺樓其遊東田等詩皆宣城作應劭曰沙漠匈奴之南界東漢書李膺以聲名自高士有被其容接者名為登龍門魏志魏明帝使后弟毛曾與夏侯玄共坐時人謂蕙葭倚玉樹左傳士會歸繞朝贈之以策東漢書郭泰字林宗自洛陽歸諸儒送至河上林宗唯與李膺同舟而濟衆賓望之以為神仙崔生何傲

岸縱酒復談玄身為名公子英才苦迍遭鳴鳳托高梧

凌風何翩翩安知慕羣客彈劍拂秋蓮

齊賢曰崔生崔侍御也易述如

遭如士贊曰縱酒者故意而飲酒也

贈宣城趙太守悅

趙得寶符盛山河功業存三千堂上客出入擁平原六

國揚清風英聲何喧喧

齊賢曰史趙簡子召諸子告之曰吾藏寶符於常山上先得者

賞諸子驅之常山上求無所得毋卹還曰已得符矣簡子曰秦之母卹曰從常山上臨代代可取也簡子知毋卹賢以為太子簡子卒毋卹立是為襄子襄子姊為代王夫人襄子乃北登夏屋請代王使厨人操銅科擊殺之遂興兵平代地至惠文王弟勝最賢喜賓客至數千人相惠文王及考成王封於東武城號平原君六國齊

楚燕趙
韓魏也

大賢茂遠業虎竹光南藩錯落千丈松虬龍盤

古根枝下無俗草所植唯蘭蓀憶在南陽時始承國士

恩公為柱下史脫繡歸田園伊昔簪白筆幽都逐遊魂

持斧冠三軍霜清天北門差池宰兩邑鶚立重飛翻焚

香入蘭臺起草多芳言夔龍一顧重矯翼凌翔鷁赤縣

揚雷聲彊項聞至尊驚飈顏秀木跡屈道彌敦齊賢曰

事見前卷暴勝之為直指使者衣繡衣持斧逐捕盜賊

督課郡國鄒衍曰中國縣曰赤縣神州後世以指輦轂

下縣董宣為洛陽令湖陽公主蒼頭白日殺人宣叱奴

下車殺之主訴帝帝召宣令謝主宣不從強使頓之宣

李太白集外類補註

兩手據地終不肯俯
光武因勅強項令

出牧歷三郡所居猛獸奔遷人同

衛鶴謬上懿公軒自笑東郭履側慙狐白溫閒吟步竹

石精義忘朝昏顛顚成醜士風雲何足論獼猴騎土牛

羸馬夾雙轅頰借羲皇景為人照覆盆溟海不振蕩何

由縱鵬鯤所期玄津白個儻假騰騫

齊賢曰猛獸虎也宋均為九江守虎

東渡江左傳衛懿公好鶴鶴有乘軒者東郭先生久待詔公車貧困行雪中履有上無下足盡踏地人皆笑之

贈從弟宣州長史昭

淮南望江南千里碧山對我行倦過之半落青天外宗

英佐雄郡水陸相控帶長川豁中流千里瀉吳會君心

亦如此包納無小大

齊賢曰唐志淮南道古揚州之域
士贊曰漢書序贊河間為漢宗英

搖筆起風霜推誠結仁愛訟庭垂桃李賓館羅軒蓋何
意蒼梧雲飄然忽相會才將聖不偶命與時俱背獨立
山海間空老聖明代知音不易得撫劍增感慨當結九
萬期中途莫先退

於五松山贈南陵常贊府

為草當作蘭為木當作松蘭幽香風遠松寒不改容松

蘭相因依蕭艾徒丰茸雞與雞並食鸞與鸞同枝揀珠

去沙礫但有珠相隨

齊賢曰水經零陵郡都梁縣西小
山上有停水其中悉生蘭草綠葉

紫莖澤蘭如薄荷微香荆湘嶺南人家多種之與蘭草
大抵相類顏師古以蘭為澤蘭非也郭璞曰丰容也蒼

頤篇茸
草貌

遠客投名賢真堪寫懷抱若惜方寸心待誰可

傾倒虞卿棄趙相便與魏齊行海上五百人同日死田

橫當時不好賢豈傳千古名願君同心人於我少留情

寂寂還寂寂出門迷所適長鋏歸來乎秋風思歸客

齊賢

曰史記范雎事魏中大夫須賈使齊齊襄王聞雎辯口
賜之金須賈怒以雎持魏陰事告齊故得饋歸以告魏

相齊使筭擊折脇留齒睢佯死即卷以筭賓客飲者醉
更溺睢從筭中得出更姓名曰張祿隨王稽入秦上書
昭王言太后穰侯昭王大懼嚴太后逐穰侯拜睢為相
魏使須賈使秦睢坐賈堂下曰為我告魏王息持魏齊
頭來不然我且屠大梁魏齊恐走趙匿平原君家昭王
聞為書遺平原君願與君為十日之飲平原君入秦昭
王乃遺趙王書曰范君之仇魏齊在平原君家王使人
疾持其頭來不然我伐趙又不出王弟趙王圍平原君
家急齊夜奔出見趙相虞卿乃解相印與齊亡走大梁
故因信陵君以走楚信陵畏秦猶豫未決齊怒自到趙
王卒取其頭予秦虞卿困於梁不得意乃著書世傳之
曰虞氏春秋漢滅項籍田橫懼與其徒屬五百人入海
居島中高祖赦橫罪而召之橫與客二人乘傳詣洛陽
自到令客捧其頭從使使奏之高祖為流涕拜客為都
尉橫既葬二客穿塚旁皆自到從之帝以橫之客皆賢
者聞其餘五百人在海中使使召至聞橫死皆自殺馮

雕見孟嘗君君置於舍彈其劍而歌曰長
缺歸來乎食無魚晉張翰因秋風起思歸

自梁園至敬亭山見會公談陵陽山水兼期同

遊因有此贈

我隨秋風來瑤草恐衰歇中途寡名山安得弄雲月渡

江如昨日黃葉向人飛敬亭愜素尚弭

解也

棹流清輝

齊賢

曰山海經姑瑤之山帝女死焉名曰女尸化為瑤草其
花黃其實如兔絲服者媚于人唐志宣州宣城縣有敬

亭山冰谷明且秀陵巒抱江城粲粲吳與史衣冠耀天京

水國饒英奇潛光臥幽草會公真名僧所在即為寶開

堂振白拂高論橫青雲雪山掃粉壁墨客多新文為子
話幽棲且述陵陽美天開白龍潭月映清秋水黃山望
石柱突兀誰開張黃鶴久不來子安在蒼茫東南焉可

窮山鳥飛絕處稠疊千萬峯相連入雲去

齊賢曰九域志陵陽山在

宣州列仙傳寶子明棄官學道釣得白龍放之於此因名
白龍潭後五年龍來迎子明上居陵陽山至百餘年乃
得仙子安仙人也來就子明二十年一旦忽死葬山下
常有黃鶴棲其園上鳴云子安子安士贇曰任彦升撰
王儉文集序司徒袁粲有高世之度脫落塵俗
見公弱齡更望風推服歎曰衣冠禮樂在是矣聞此期

振策歸來空閉關相思如明月可望不可攀何當移白

足早晚凌蒼山且寄一書札令予解愁顏

贈友人三首

蘭生不當戶別是閒庭草夙被霜露欺紅榮已先老
謬接瑤華枝結根君王池顧無馨香美叨沐清風吹
餘芳若可佩卒歲長相隨

其二

袖中趙匕首買自徐夫人玉匣閉霜雪經燕復歷秦
其袖中趙匕首買自徐夫人玉匣閉霜雪經燕復歷秦
其事竟不捷淪落歸沙塵持此顧投贈與君同急難荆鄉

一去後壯士多摧殘長號易水上為我揚波瀾鑿井當
及泉張帆當濟川庶夫惟重義駿馬不勞鞭人生貴相
知何必金與錢

其三

慢世薄功業非無胸中畫謔浪萬古賢以為兒童劇立
產如廣費匡君懷長策但苦山北寒誰知道南宅歲酒
上逐風霜鬢兩邊白

齊賢曰毛詩謔浪笑傲周瑜與孫策同年同居舒瑜推道南大宅與

策蜀主思孔明晉家望安石時人列五鼎談笑期一擲

虎伏避胡塵漁歌遊海濱敝裘耻妻嫂長劍託交親夫

子秉家義羣公難與鄰莫持西江水空許東溟臣他日

青雲去黃金報主人

齊賢曰先主三顧孔明於草廬之中謂關羽等曰孤之有孔明猶魚

之有水也謝安石盤桓東山王導云安石不起將如蒼生何劉毅樗蒲一擲百萬太公起海濱即三公蘇秦說秦王不聽秦敝金盡而歸妻嫂笑之後富貴以百金徧報諸常見德者莊子曰昨來中道轍中鮒魚呼曰我東海之波臣君豈有斗升之水活我哉周曰我且見楚王激西江之水而迎子鮒魚忿然作色曰我無處所欲得斗升之水求活君乃言此曾不如早索我於枯魚之肆

陳情贈友人

延陵有寶劍價重千黃金觀風厯上國暗許故人深歸
來挂墳松萬古知其心懦夫感達節壯士激青衿鮑生
薦夷吾一舉置齊相斯人無良朋豈有青雲望臨財不
苟取推分固辭讓後世稱其賢英風邈難尚論交但若
此有道孰云喪

齊賢曰史記管
鮑事見前卷

多君騁逸藻掩映當時

人舒文振頽波秉德冠彝倫卜居乃此地共井為比鄰
清琴弄雲月美酒娛冬春薄德中見捐忽之如遺塵英
豪未豹變自古多艱辛他人縱以疎君意宜獨親

齊賢
曰周

制九夫為井四井為邑則八家共一井

奈何成離居相去復幾許飄風吹

雲霓蔽目不得語投珠冀相報按劍恐相距所思採芳

蘭欲贈隔荆渚沈憂心若醉積恨淚如雨願假東壁輝

餘光照貧女

齊賢曰飄風以興邪惡之衆雲霓惡氣喻佞人

贈從弟冽

楚人不識鳳重價求山雞獻主昔云是今來方覺迷自
居漆園地久識咸陽西風飄落日去節變流鶯啼桃李
寒未開幽關豈來蹊逢君發花萼若與青雲齊及此桑

華綠春蠶起中閨日出布穀鳴田家擁鋤犁顧余乏尺

土東作誰相攜

齊賢曰楚人指雉為鳳事見前漆園在宛句縣北十七里古屬蒙縣

傳說

降霖雨公輪造雲梯羌戎事未息君子悲塗泥報國有
長策成功羞執珪無由謁明主杖策還蓬蒿他年爾相
訪知我在磻溪

贈間丘處士

賢人有素業乃在沙塘陂竹影掃秋月荷花落古池閒
讀山海經散帙臥遙帷且耽田家樂遂曠林中期野酌

勸芳酒園蔬烹露葵如能樹桃李為我結茅茨

齊賢曰說文恢

書衣林中期如竹林七賢之類士贊曰郭璞撰山海經二十三卷又注山海經圖贊二卷

贈錢徵君少陽

一作送趙雲卿

白玉一杯酒綠楊三月時春風餘幾日兩鬢各成絲東

燭惟須飲投竿也未遲如逢渭水獵猶可帝王師

齊賢曰少

陽年八十餘故方之太公

贈宣州靈源寺仲濬公

敬亭白雲氣秀色連蒼梧下映雙溪水如天落鏡湖此

中積龍象獨許濬公殊風韻逸江左文章動海隅觀心

同水月解領得明珠今日逢支遁高談出有無

齊賢曰
宣州宣

城縣南敬亭山歸藏啟筮曰白雲氣自蒼梧鏡湖在越
州制度論曰龍行水中力大象行陸中力大故以負荷
大法者以比之寶積經云勝現王如來入善澤長者大
城乞食大苾芻僧左右翼從修攝諸根如大龍象支遁
字道林其妙觀章云色之性也不自有色色不自有雖
色而空故曰色即為空色復異空論成示王坦之坦之
都無言支曰嘿而識之乎
王曰既無支殊誰能見賞

贈僧朝美

水客凌洪波長鯨湧溟海百川隨龍舟噓吸竟安在中

有不死者探得明月珠高價傾宇宙餘輝照江湖芭卷
金縷褐蕭然若空無誰人識此寶竊笑有狂夫了心何
言說各勉黃金軀士贊曰按維摩詰經曰當知一切煩惱為如來種歷不下大海不能得無價寶珠不入煩惱大海則不能得一切智寶此篇主意全是隱括此經

贈僧行融

梁有湯惠休常從鮑照遊峨眉史懷一獨映陳公出卓
絕二道人結交鳳與麟行融亦俊發吾知有英骨海若不
隱珠驪龍吐明月大海乘虛舟隨波任安流賦詩旃

檀閣縱酒鸚鵡洲待我適東越相攜上白樓

齊賢曰沈約宋書曰

沙門惠休善屬文世祖命使還俗姓湯位至揚州從事史懷一陳公未詳莊子海若海神名又曰千金之珠在驪龍頷下世說白樓亭在山陰

贈黃山胡公求白鵬

并序

聞黃山胡公有雙白鵬蓋是家雞所伏自小馴狎
了無驚猜以其名呼之皆就掌取食然此鳥耿介
尤難畜之余平生酷好竟莫能致而胡公輟贈於
我唯求一詩聞之欣然適會宿意因援筆三呌文

不加點以贈之

請以雙白璧賈君雙白鷗白鷗白如錦白雪恥容顏照
影玉潭裏刷毛琪樹間夜棲寒月靜朝步落花閒我願
得此鳥翫之坐碧山胡公能輟贈籠寄野人還

登敬亭山南望懷古贈竇主簿

敬亭一迴首目盡天南端仙者五六人常聞此遊盤谿
流琴高水石聳麻姑壇白龍降陵陽黃鶴呼子安羽化
騎日月雲行翼駕鸞下視宇宙間四溟皆波瀾汰絕目

下事從之復何難百歲落半途前期浩漫漫強食不成

味清晨起長歎願隨子明去鍊火燒金丹

齊賢曰列仙傳琴高趙人

以鼓琴為永康王舍人遨遊冀州三百餘年後入碣水中乘赤鯉魚來出泊一月復入水去花姑山亦謂之麻姑山昔麻姑修道於此上昇有仙壇陵陽竇子明及子安事見十一卷注士贇曰晉書許邁少恬靜採藥斷穀入臨安西山改名玄子遠遊莫測所終好道者皆謂之羽化矣

經亂後將避地剡中留贈崔宣城

雙鵝飛洛陽五馬渡江徼何意上東門胡雛更長嘯中原走豺虎烈火焚宗廟太白晝經天頽陽掩餘照王城

皆蕩覆世路成奔峭四海望長安嘖眉寡西笑蒼生疑

落葉白骨空相吊連兵似雪山破敵誰能料

齊賢曰晉五行志永

嘉元年洛陽步廣里地陷有蒼白二鵝飛出蒼者冲天此羽蟲之孽白者金色國之行也蒼為胡象其可盡言乎太安中童謠曰五馬遊渡江一馬化為龍後中原大亂宗藩多絕唯瑯琊汝南西陽南頓彭城同至江東而元帝嗣統石勒上黨武鄉羯人年十四隨邑人行販洛陽倚嶺上東門王衍見而異之謂左右曰向者胡雛吾觀其聲視有奇志恐將為天下患馳遣收之會勒已去安祿山入秦氣驕蹇張九齡謂裴光庭曰亂幽州者此胡雛也狼子野心有逆相請即事誅之以絕後患帝曰卿無以王衍知石勒而害忠良卒不用天寶十四載十一月甲寅太白晝見至德二載十一月己酉太白晝見經

天至于十一月戊午不見
歷周秦楚鄭宋燕之分

我垂北溟翼且學南山豹崔

子賢主人歡娛每相召胡牀紫玉笛却坐青雲叫楊花
滿州城置酒同臨眺忽思剡溪去水石遠清妙雪晝天
地明風開湖山貌悶為洛生詠醉發吳越調赤霞動金
光日足森海嶠獨散萬古意閒垂一溪釣猿近天上啼
人移月邊棹無以墨綬苦來求丹砂要華髮長折腰將

貽陶公誚

齊賢曰桓伊善笛王徽之相逢江次請為一
弄伊已貴顯聞徽之名便據胡床三弄而去

梁州記咸寧中盜掘張
駿塚得白玉笛紫玉簫

獻從叔當塗宰陽冰

金鏡靈六國亡新亂天經焉知高光起自有羽翼生蕭

曹安峴岬耿賈推機槍

齊賢曰六國齊楚韓魏燕趙高祖滅秦誅項光武夷王莽勦羣

盜爾雅彗星為機槍士贊曰金鏡靈六國指秦亡新亂天經指王莽莽國號新室蕭曹蕭何曹參也耿賈耿弇賈復也吾家有季父傑出聖代英雖無三台位不惜四豪

名激昂風雲氣終協龍虎精弱冠燕趙來賢彥多逢迎

齊賢曰季父叔父也晉天文志在天為三台在人為三公戰國策四豪齊孟嘗君田文魏信陵君無忌趙平原君

趙勝楚春申君黃歇禮記二十曰弱冠

魯連善談笑季布折公卿遙知禮

數絕常恐不合并惕想結宵夢素心久已冥顧慙青雲

器謬奉玉樽傾山陽五百年綠竹忽再榮高歌振林木

大笑喧雷霆落筆洒篆文崩雲使人驚吐辭又炳煥五

色羅華星秀句滿江國高才挾天庭

齊賢曰漢書季布楚人為任俠有名

孝惠時匈奴為書嫚呂后后怒召諸將議之樊噲曰臣願得十萬衆橫行匈奴中諸將阿太后以噲為然布曰噲可斬也太后罷朝

遂不復議擊匈奴

宰邑艱難時浮雲空古城居人若

薙草掃地無纖莖惠澤及飛走農夫盡歸耕廣漢水萬里長流玉琴聲雅頌播吳越還如太階平小子別金陵

來時白下亭羣鳳憐客鳥差池相愛鳴各拔五色毛意

重太山輕贈微所費廣斗水澆長鯨

齊賢曰晉天文志三台為天階太一

躡以上下一曰泰階白下在上元縣北

彈劍歌苦寒嚴風起前楹月銜天

門曉霜落牛渚清長歎即歸路臨川空屏營

書懷贈南陵常贊府

歲星入漢年方朔見明主調笑當時人中天謝雲雨一

去麒麟閣遂將朝市乖故交不過門秋草日上階當時

何特達獨與我心諧

齊賢曰南陵縣在宣州西東方朔未死時謂同舍郎曰天下人無由

知朔知朔者惟太伍公耳亡後武帝得此語召太伍公問之答以不知曰公何所能曰頗善星歷帝問諸星皆俱在否曰諸星俱在獨不見歲星十八年今復見耳帝仰天歎曰東方朔生在朕旁十八年而不知是歲星慘樂然不

月問我心中事為君前致辭君看我才能何似魯仲尼

大聖猶不遇小儒安足悲

齊賢曰凌歊臺隸唐宣州本朝隸太平州之姑熟白紵亭

宋武帝與羣臣會於此有白紵之歌士贊曰向曰孔子歷說天下七十君竟不一遇雲南五月中

頻喪渡瀘師毒草殺漢馬張兵奪雲旗至今西二河流

血擁僵屍將無七擒略魯女惜園葵

齊賢曰孔明出師表五月渡瀘深入

不毛亮至南中竟生致孟獲縱使更戰七縱七擒而亮猶遣獲獲止不去曰公天威也南人不復反矣古歌詞曰採葵莫傷根結交莫羞貧公儀休為魯相食茹而美拔其園葵而棄之士贊曰按此詩魯女惜園葵是用事非泛引事也列女傳曰漆室女者魯漆室邑之女也過時未適人當穆公時君老太子幼女倚柱而嘯其鄰人婦從之遊謂曰何嘯之悲也子欲嫁耶漆室女曰嗟乎我豈為不嫁而悲哉吾憂魯君老太子幼鄰婦笑曰此乃魯大夫之憂婦人何與焉漆室女曰不然昔晉客舍吾家繫馬園中馬逸馳走踐吾葵使吾終歲不食葵雍人女奔隨人亡其家倩吾兄行追之逢霖水出溺流而死今吾終身無兄吾聞河潤九里漸如三百步猶且不勞今魯君老悖太子少愚奸偽日起夫魯國有患者君臣父子皆被其辱禍及衆庶婦人獨安所避乎吾甚憂之子乃曰婦人無與者何哉鄰婦謝曰子之所慮非妾所及三年魯果亂齊楚攻之魯連有寇男子戰鬪婦人轉

翰不得休息君子曰遠矣漆室女之思也詩云知
我者謂我心憂不知我者謂我何求此之謂也 咸陽

天下樞累歲人不足雖有數斗玉不如一盤粟賴得賢
宰衡持鈞慰風俗自顧無所用辭家方來歸霜驚壯士
髮淚滿逐臣衣以此不安席蹉跎因世違終當滅衛謗
不受魯人譏

贈汪倫

李白乘舟將欲行忽聞岸上踏歌聲桃花潭水深千尺
不及汪倫送我情

齊賢曰白遊涇縣桃花潭村人汪倫常醞美酒以待白倫之商孫至今寶

詩其

李太白集分類補註卷十二